

支那

華嚴疏卷二十二

上

大方廣佛華嚴經疏鈔卷二十三之一
疏初來意者。當會序分已彰。正宗宜顯故。又已總示所依佛智。次別顯能依行位。故次來也。
疏十一釋名者。迴者轉也。向者趣也。轉自萬行。趣向三處。故名迴向。迴向不同。有其十種。然十之別名。本分當釋。迴向通稱。今當重明。隨境所向。義有衆多。以義通收。不出三處。謂衆生菩提。及以實際。上

大方廣佛華嚴經疏鈔卷二十三之一
千闡國三藏沙門實叉難陀譯
清涼山大華嚴寺沙門澄觀撰述
十迴向品第二十五之一

C40
4514

B E4853

60 1 2 3 4 5 6 7 8 9

80

9

一皆隨相。實際卽離相。

疏開三爲十一。一迴自向他故。初迴向云。若有善根。不欲饒益一切衆生。不名迴向。

疏二迴少向多。故下文云。善根雖少。普攝衆生。以歡喜心。廣大迴向。又云。隨一善根。普以衆生而爲所緣。乃名迴向。

疏三迴自因行。向他因行。故第三迴向云。菩薩以諸善根。迴向佛已。復卽以此善根。迴向一切菩薩。所謂願未滿者。令得願滿。心未淨者。令得清淨。

疏四迴因向果。此復二種。一向自果。下文云。修諸

善根。迴向阿耨菩提。故深密瑜伽梁攝論等。大同此說。一迴向他果。第三迴向云。願以我今所種善根。令諸佛樂轉。更增勝故。鈔故深密等者。深密第四觀自在菩薩白佛言。何因緣故。波羅蜜多名波羅蜜多。佛告觀自在。五因緣故。一無染著。二無顧戀。三無罪過。四無分別。五正迴向。乃至云。正迴向者。謂以如是所作所集波羅蜜多。迴求無上大菩提果是也。言瑜伽者。卽三十七云。云何菩薩無倒迴向。謂諸菩薩三門積集所有善根。卽善修事業。一方便善巧。二饒益於他。三去來今世一切攝

60123456789

10123456789

取以淳一味淨妙信心。廻求無上正等菩提。終不用此所集善根。希求世間餘果異熟。唯除無上正等菩提。梁攝論第十二云。由般若廻向。前六度爲得大菩提故。施等無盡故。般若能引方便。又釋方便波羅蜜中云。內欲爲利益諸衆生故。所作善根功德。悉廻向無上菩提。言等者。無性世親皆同此說。無性釋云。若以此善根求無上正等菩提者。爲證無上佛菩提故。世親釋云。所有善根。皆悉廻向無上菩提。作諸有情一切義利。釋曰。以文易故。疏但畧指。

疏五廻劣向勝。謂隨喜凡夫二乘之福。廻向無上菩提故。

疏六廻比向證。經文非一。鈔六廻比向證者。以文多故。疏不別指。若取現證。卽前第三中心未淨者。令得清淨。清淨卽淨心地。淨心地卽初地。未淨卽比。是廻他比。令他得證。亦是自比。令他得證等。○疏七廻事向理。故不壞廻向云與諸法性相應廻向。入無作法成所作廻向。第六廻向云。永離依處。到於彼岸。故名廻向。永絕所作。至於彼岸。故名廻向。

疏八。迴差別行向圓融行故。如第九迴向廣說。

鈔八迴差別等者。初列餓鬼等五門。善根爲差別。善根一一迴向中。皆願成普賢圓融行故。

疏九。迴世向出世。故下文云。所有善根。皆悉隨順出世間法。教化成熟一切衆生。心常迴向出世之道。第六迴向云。永出諸蘊。到於彼岸。故名迴向等。○疏十。迴順理事行。向理所成事故。廣如第八迴向所說。鈔十。迴順理事等者。謂初積集資糧位中。雙順事理。卽志不大乘。勇猛無畏等事行。植般若德本。深心不動。心寶成就等。卽順理行。言向理所

成事者。謂百門真如。况所成行。卽理所成也。

疏前十義中。初二皆迴向衆生。次三皆迴向菩提。次二迴向實際。後二義通於果及與實際。若依總云。十迴向。卽帶數釋。若準梵本晉經。皆云金剛幢。菩薩十迴向品。則人法雙舉。或人之法。法之人。人有法通三釋也。

疏三宗趣者。以無邊行海。順無盡大願。爲宗。成就普賢法界德用爲趣。

爾時金剛幢菩薩承佛神力。入菩薩智光三昧。

疏四釋文者。文有十分。一三昧分。二加分。三起分。

60 1 2 3 4 5 6 7 8 9

80

9

四本分五說分六瑞應分七結通分八證成分九
偈讚勸修分十校量功德分初中金剛幢入者。
是衆首故表歸向高出等義故不異名說承佛祐
力彰入定緣入菩薩智光三昧者顯所入名據異
果定故云菩薩智即是體謂根本智光有三義一
是證智前相如明得定等此約寄位在賢終故二
光卽根本智用對治無明故如大乘光明定等三
光卽後得了所緣故二智無礙朗照法界此約剛
幢自體釋之。

入是三昧已。十方各過十萬佛利微塵數世界外。有

十萬佛刹微塵數諸佛皆同一號號金剛幢而現其
前。

疏第二入是下加分有二一總顯能加二辨加所
爲二正顯加相今初有一二明佛現二明讚善今
初有五一標所因謂入是三昧已故十住中云以
三昧力二十方下佛來近遠三有十下佛數多少
上二顯位過行故云十萬四皆同下顯佛名同五
而現下正明佛至餘如前說。

咸稱讚言善哉善哉善男子乃能入此菩薩智光三
昧善男子此是十方各十萬佛刹微塵數諸佛神力。

60 1 2 3 4 5 6 7 8 9

80

撰述

聖嚴政金卷之二十一

共加於汝亦是毘盧遮那如來在昔願力威神之力。及由汝智慧清淨故諸菩薩善根增勝故令汝入是三昧而演說法。

疏一咸稱讚下明佛讚善於中初標稱善次別歎得定後顯得定所因先別顯五因一伴佛神力二王佛宿願三王佛現威四說者智淨五聽者善根十住無聽者善根十行闕說者自力此則具一理應偏具而影畧者表住初自悟行則捨己利他今則悲兼自他俱無障礙故也所以要此五力者因果王伴皆具足故謂法因久遠願遂化故王伴

加威非器不傳明因王自力非感不應顯因伴善根餘之差當如第三會後令汝下結前生後鈔因果王伴者因王卽金剛幢力因伴卽聽者善根果王卽遮那一力果伴卽十方佛加謂法因下出五因之由法因久遠願遂將化是遮那本願王伴加威卽及威神力爲王加威十方佛加爲伴加威爲令諸菩薩得清淨無畏故具無礙辨才故入無礙智地故在一切智大心故成就無盡善根故滿足無礙白法故入於普門法界故現一切佛神力故前際念智不斷故得一切佛護持諸根故

60 1 2 3 4 5 6 7 8 9

10

80

1

1

1

1

1

1

1

1

1

1

1

疏第二爲令下。辨加所爲有二十二句分二前二十一別明所爲後一結爲所屬。前中初十標所成後十一明所作亦猶十地前十自利後十利他。鈔亦猶十地者自利卽同所成利他卽同所作疏前中初九內德後一外加謂得佛護持信等根故前中前八橫具諸德後一堅繼不斷從前所成明記決斷故前中前七法體後一大用佛神方言非神境通離世間品神力神通義有異故通謂無擁力謂幹能通多就外力多約內就前七中前六別明後一總說謂一門之中具於多門總攝福智。

重重無盡名普門法界故就前六中前五所具後一離過謂所具福智不與二礙有漏相應故前五中前四智慧後一福德就智慧中前三自分後一勝進住佛智故就自分中前一說教後一入證謂入緣起法界相卽自在智故前中無畏則於緣無懼辨才常說不斷上來從後禡疊已釋所成。

以無量門廣說衆法故聞悉解了受持不忘故攝諸菩薩一切善根故成辦出世助道故不斷一切智智故開發大願故解釋實義故了知法界故令諸菩薩皆悉歡喜故修一切佛平等善根故護持一切如來

種性故。

疏一以無量下明其所作於中初一總謂廣說故後十別於中初一約法次三約位一攝地前二安地上三照佛果次三約修一令開發十向大願二令解實際三令知廻向廣大與法界等後三約人一稱根令喜二喜故學三世佛廻向三救護一切衆生故不斷佛種。

所謂演說諸菩薩十廻向。

疏後一總結所屬者謂若說十向前益皆成故加所爲卽說所爲六相融攝如理應思然約行布地

約說地此爲廻向故與下不同况彼義皆次第今復反此鈔然約行布下結釋明非全取十地中義以釋今文故疏上云亦猶十地猶者如也但云如彼二利其中句義則全不同言地約說地此約廻向者彼云如實說菩薩十地差別相故此云所謂說菩薩十廻向居然自別况彼義者彼中次第顯於地前地上等謂彼云緣念一切佛法故修習分別無漏法故此卽地前次經云善選擇觀察大智光明巧莊嚴故卽是見道次經云善入無量智門故下六句辨修道此句寄從二地至七地次下

60 1 2 3 4 5 6 7 8 9

80

9

撰述

華嚴疏金卷之二

八

三

五句。寄入八地至佛地則自淺至深。地前地上見修究竟次第不亂故。今則反此者明。不依彼次。如今經文無彼地前地上見修等次文之與義俱不全同。故但可云如彼不可依彼次第釋也。上之十句所成亦然。但可類耳。

佛子汝當承佛威神之力而演此法。得佛護念故。安住佛家故。增益出世功德故。得陀羅尼光明故。入無障礙佛法故。大光普照法界故。集無過失淨法故。住廣大智境界故。得無障礙法光故。

疏第三佛子下。正顯加相於中三。初語業勸說以

增辯。一意業冥加以益智。二身業摩頂以增威。今初口加承語便故文有十句。初總餘別總云說。此法者有二種力。一者他力。如經得佛護念故。此亦名果力。亦名增上緣力。二者自力。卽下八句亦名因位力。亦是因緣力。是故此法要自他因果親疎融合方得有說。自力八中初三明有作淨法力。一總謂既住佛家理宜宣法以行家業下二別。一長無漏功德。二入總持智慧故在佛家次二句無作淨法力。一離所淨障。謂無二障礙。二得所淨智。謂事理普照。後三顯身淨力。卽三種盡。一乘不同

釋述

華嚴疏金卷之二十一

九

盡謂雙集悲智。離於捨悲入寂過失故。一菩薩盡謂離心意識。唯依大智法身境故。三者佛盡無障礙智是佛法故。鈔初二明有作者。此亦取論勢。而句多少。所用不同。彼十句中初總餘別。別中初句他力。下入自力。自力中初一句有作善法淨。經云普淨法界故。次一句教化衆生淨。經云普攝衆生。故餘有六句皆名身淨。攝爲三種盡等。今則有作有三句。無作有一身淨有三。又闡教化衆生者以依次無故。攝在初有作淨中。而言四淨者。以因中有四義故。一有力能作。二無力不作。三具二能

引生。四泯攝前三稱理成德。如次配前四淨。餘廣如彼。以句開合不同。亦可類取。

疏此是地前。有二盡者。一圓教普賢位融攝故。二約金剛幢內德位已極故。又前加所爲中住行。但有十句。正口加中唯有一句。今並過前者表位增故。隣於地故多同地經。鈔又前加下。亦辨三賢皇於十地事須差別。不可全同也。

爾時諸佛卽與金剛幢菩薩無量智慧。與無留礙辨與分別句義。善方便與無礙法光明。與如來平等身。與無量差別淨音聲。與菩薩不思議善觀察三昧。與

60 1 2 3 4 5 6 7 8 9

70

80

不可沮壞一切善根迴向智與觀察一切法成就巧方便與一切處說一切法無斷辯。

疏一爾時下意加中二先正明加相一何以下釋偏加所以前中十句初總餘別然此十句大同地經唯五六前却餘如彼次鈔然此十句者比前諸段彼不全同今爲大同既唯一句前却故得全引彼釋所以此多同者以與智辯令其有說則得大同前就所說故小異耳此中十句須觀下十地經疏不可具引隨要畧引。

疏後別中一不著辯才說法不斷無留礙故一堪

辯才以善淨堪智有四種謂緣法作成故云分別句義三任放辯才說不待次言辭不斷處處隨意不忘名義故云無礙法光忘不隨意則有礙故四卽第五不雜辯才三種同智常現在前者慧身平等知三相故故彼云與徧至一切處智五卽第四能說辯才有淨音故六教出辯才靜鑒雙流故七不畏辯才智不可壞何有畏哉或六七前却思之八卽無量辯才謂一切法智隨順宣說修多羅等六種正見故九卽同化辯才得一切佛無畏身等三種教化隨所度者顯示殊勝二業神變化故。

60 1 2 3 4 5 6 7 8 9

1 2 3 4 5 6 7 8 9

撰述

聖嚴金藏卷之二

鈔三種智者。卽自相共相。及不二相。自相者。色心等殊同相者。同無我等不二相者。卽一實理也。或六七前却者。六卽不畏辯才。以經云不思議善觀察三昧。同彼如來無所畏故。七是教出辯才。以不可沮壞一切善根。是教出故。大同地經成道自在力故。六種正見者。一真實智正見。二行正見。三教正見。四離一邊正見。五不思議正見。六根欲正見。何以故。入此三昧。善根力故。爾時諸佛各以右手摩金剛幢菩薩頂。金剛幢菩薩得摩頂已。卽從定起。

疏次釋偏加及爾時下身加。并第二金剛幢下起分。並如前後說。

告諸菩薩言。佛子。菩薩摩訶薩有不可思議大願。充滿法界。普能救護一切衆生。所謂修學去來現在。一切佛迴向。

疏第四告諸菩薩下。本分中分二。先總顯體相。後佛子菩薩摩訶薩迴向有幾下。別示名相。今初若直就經文應分爲二。初句總標願體難思。希求名願卽具攝。普賢無盡願海深廣難思。一充滿下。顯難思相謂體充法界。故難思議用普救護。故稱

60123456789

80

爲大。又約體深不思議。約用廣不思議。又深廣無礙。名不思議。又體相用二並充法界。隨所徧處無不救護。實難思議。三所謂下釋成難思以行同佛故。鈔一充滿下釋第二句自有四義。一以體釋不思議。以用釋大。二雙約體用釋不思議。二體用雙融釋不思議。四約三大相融釋不思議。

△疏然總論品內。一一難思別示其相畧申十種。一體深。一用廣如上已辨。二攝德無盡。四出生衆行。五餘不能壞。此三充滿法界中攝。六都不自爲。七忍苦無倦。八背恩不轉。九逆順多端。十盡窮來際。

△此五普能救護中攝。此之十句。一一超於言念。皆不思議。

疏故收前後有二種體。一所依體。卽智光三昧。二約尅性。卽上大願。三約總含通有六法。一定。二智。三願。四悲。五所依法界。六通慧作用。卽不思議解脫。以爲體性。而圓融無礙爲廻向體。

疏若取論勢。亦初句是總。下二句別。一充滿法界。卽是勝願。以是一切佛根本故。二普救一切。卽是大願。順作利益故。三所謂學佛廻向。是不怯弱願。決定入佛大願故。亦未入地。故無觀相。及真實願。

60 1 2 3 4 5 6 7 8 9

10

80

1

2

3

4

5

6

7

8

9

撰述

五言廣說金剛經卷之二

十一

四

大悲增故加前行住大願利益。而在行中有無常
變果因。今此闕者。大悲既增。惟願救護。不欲自求
菩提果故。

佛子。菩薩摩訶薩。廻向有幾種。

疏第二別示名相文分四別。一舉名微數。

佛子。菩薩摩訶薩。廻向有十種。三世諸佛咸共演說。
疏。一佛子下標數顯勝。諸佛共說故。三何等下微
數。列名四。佛子是爲下結數引證。

何等爲十一者。救護一切衆生離衆生相廻向。二者
不壞廻向。三者等一切諸佛廻向。四者至一切處廻
向。五者無盡功德藏廻向。六者入一切平等善根廻
向。七者等隨順一切衆生廻向。八者真如相廻向。九
者無縛無著解脫廻向。十者入法界無量廻向。

疏三中先徵後列十廻向義畧以五門分別一釋
名。二義相。三體性。四定位。五行法差別。

疏初中先總名已見品初後別名今當畧釋。然通
相而辯有其二意。一廻向一字皆是能廻之願。救
護等名皆是所廻之行。故皆依主受名。一救護等
名皆廻向之別相。廻向一字皆別相之通名。當名
相望。救護等卽廻向。若互相揀。是救護之廻向。非

60 1 2 3 4 5 6 7 8 9

10

80

1

2

3

4

5

6

7

8

9

不壞之廻向則通依王隨其義便不可局定第一
 救護等者大悲廣濟名爲救護一切衆生大智無
 著故云離衆生相卽是廣大不顛倒心廻向是行
 謂以善根廻成救生離相之行故名廻向從所向
 立名故下文云願此善根普能饒益一切衆生明
 知救護非是所廻自以十度爲所廻向耳又唯以
 離衆生相爲能廻者則廻向中無隨相也將墮者
 護已墮者救救令脫苦護令息惡並以善根願能
 成此一於三寶等得不壞信以此善根用將廻向
 三學三世佛所作廻向名等諸佛四菩薩令其善

根至一切處五由廻向故能成無盡功德之藏六
 順理修善事理無違入於平等七以善根等心順
 益衆生八善根合如以成廻向九不爲相縛不於
 見著作用自在故名解脫如不思議解脫等十稱
 性起用謂以法界善根廻向法界故至隨文中當
 更開顯鈔卽是廣大者四心之一至第八廻向
 當引釋救護衆生卽廣大心離衆生相卽不顛倒
 心上釋救護等竟廻向是行下以第一別名對總
 廻向以辨得名明知下結彈古義以救護言爲所
 廻向故將墮下別釋救護二字第二不壞廻向從

60 1 2 3 4 5 6 7 8 9

10

80

1

2

3

4

5

6

7

8

9

所迴善根得名。三通能所迴悉皆等佛。四從所迴向立名。五從所成德。六從所迴。七通能所入通能所善根。皆同如故。九從能迴向心得名。十亦通能所迴及所向法界立名。

疏第一顯義相者。先別後通。別中前七隨事行。後三稱理行。前中初一悲智不住明行。本次四明行。相於中一者起行心堅。一約佛辨廣。二約法顯徧。四約德顯多。下二行成。一智行成。二悲行成。後三中。一正與理合。顯體深廣。二明依體起無方大用。三顯體用無礙。圓明自在。一通論。一一中皆有三種迴向。謂以善根。迴向衆生。菩提實際。此三各有二義。故成迴向。一以菩薩善根。必由衆生而成。是衆生之分。故還向彼。由餘二成餘二流。故菩提分。故稱實際。故法爾向彼。二凡夫菩薩。必爲度生。不爾同。一乘故。必求無上菩提。是家法故。不爾同。凡小故。必證實際。背無明故。照一空故。所以要須三者。義乃無邊畧。申十意。謂依三法。故滅三道。故淨三聚戒顯三佛性。成三寶。會三身。具三德。得三菩提。證三涅槃。安住三種秘密藏。故一依三法者。謂真性觀照。及與資成。卽起信論體相用也。實際依

60 1 2 3 4 5 6 7 8 9

10

80

1 2 3 4 5 6 7 8 9

撰述

聖廣商金卷之二

十一

體菩提依相衆生依用。一滅三道者見苦實際方能滅苦。照煩惱空卽得菩提。廻結縛業爲利生業。三淨三聚者謂向實際故。律儀離過向菩提故。廣攝衆善向衆生者卽是攝也。四顯三佛性者實際正因。菩提了因。向衆生者卽是緣因。五成三寶者實際成法。菩提成佛。向彼衆生成同體僧。六會三身者謂法報化七具三德。謂斷智恩八得三菩提。謂實相菩提。實智菩提。方便菩提。菩提樹下示成佛故。九證三涅槃者謂性淨涅槃圓淨涅槃方便淨涅槃。謂薪盡火滅若依地論唯有上二者則真

極之成寧殊示滅菩提亦爾。上四皆如次配廻向實際菩提衆生可以意得。十安住三種秘密藏者由向實際則住法身。佛以法爲身清淨如虛空故由向菩提能成般若。菩提朗鑒居極照故由向衆生能成解脫。自旣無累令他解脫隨機應現亦無礙解脫也。以斯十義立三廻向。若立三種菩提之心亦依此十。又此十內舉一爲首。展轉相由。又此三者成二行故。向實自利。向生利他。菩提通二。又向實護煩惱。向生護小乘。菩提通二。護又爲成悲智。智。智照理事。故有三也。又隨舉悲智亦具此三。悲

60 1 2 3 4 5 6 7 8 9

10

1 2 3 4 5 6 7 8 9

撰述

華嚴疏金卷之二

十一

中三者令彼衆生知其實際同證菩提故智中二者照生相盡卽同實際證菩提故又此三者其必相資一卽具三方成其一一爲證實際故廻向衆生以化衆生成其自利斷障證實故亦向菩提速證菩提具一切智斷於一障方窮實故一爲救衆生故廻向實際速證實際於惑自在方能化故故淨名云若有自縛能解彼縛無有是處亦向菩提速證菩提方能廣利故地經云欲度衆生不離無障礙解脫智二爲得菩提故廻向衆生不化衆生不證果故亦向實際不證實際豈得菩提故此三

事相資成立非唯三事自互相資隨一一事具攝法界德用卽入無礙方名眞實廻向三事 鈔此

三各有二義者第一成三之因言必由衆生者若無衆生菩薩不行故卽由上義故此修善屬於衆生是彼之分如父資財兒子有分言餘二流故者同上必由衆生而成爲菩提故爲實際故而修其善卽是二流菩提分故下同上是衆生之分一切萬行皆菩提分分亦因義皆稱實物卽實際分二凡是菩薩下前就境明此就人說又前以人從法此則攝法從人又前是順釋此是反顯一依三

60 1 2 3 4 5 6 7 8 9

10

11

12

13

法者下釋也。三法卽智論意亦三般若及三天也。文中但出三天眞性實際卽實相般若觀照卽觀照般若資成卽眷屬般若以不同三般若名又不攝五名故畧不配一滅三道卽三雜染謂煩惱道業道苦道也三淨三聚者故法集經云若菩薩捨於三聚廻向之心菩薩不應與彼共住四顯三佛性卽涅槃意以第一義空是正因性故了因雖通萬行成於菩提究竟了故了見佛性故緣因亦通萬行成於菩提今以菩提照了故以向生爲緣五成三寶諸佛所師所謂法也以法真常體性離

故以衆生同體故我向之次四但列不釋下但云如次配之六法身卽所證之實際故報身卽巧證菩提故化身爲衆生故七證實無惑故爲斷德菩提是智化生是恩不在言也八言實相菩提者下經云譬如世界有成壞而其虛空不增減一切諸佛成菩提成與不成無差別合中上句卽實智菩提下句卽實相菩提淨名云菩提者不可以身得不可以心得寂滅是菩提滅諸相故等若依地論下結彈地論地論但說性淨及方便淨卽真淨今明真淨卽圓淨萬德俱圓相累俱寂故云圓淨述

60 1 2 3 4 5 6 7 8 9

80

9

盡雙樹機盡應移故是方便淨十安住三種下此義深難又復最後故偏釋之釋解脫中具有三義一自解脫二解脫他若自有縛能解彼縛無有是處三化衆生卽作用解脫餘如前後說若立三種下例釋先例三菩提心卽起信云信成就發心者發於三心一直心正念真如法故卽向實際二者深心樂修一切善行故卽向菩提二者大悲心救護一切苦衆生故卽向衆生則亦明此十而成彼三文此十內下展轉相成成百

疏第三體性者有總有別總如前說謂大願等別

在說分隨位顯之

疏第四定位者若約資糧等五諸說不同一云此廻向位是修大乘順解脫分資糧位終從十信來皆資糧故十廻向後別立加行故莊嚴論說行盡一僧祇長養信令增上增上修達分善根又成唯識第九云初無數劫福智資糧順解脫分旣圓滿已爲入見道住唯識性復修加行雜集十一亦同此說有云此十廻向是加行位復有二說一云四順決擇分中是後二攝謂十解爲煩十行爲頂前九廻向爲添第十廻向爲世第一法成唯識云此

60 1 2 3 4 5 6 7 8 9

10

80

1

2

3

4

5

6

7

8

9

四善根亦勝解行攝此文爲證雖不分明。玄奘三藏意存此釋。一云四加行中。世第一攝故。真諦翻攝大乘云。如須陀洹道前有四方便。菩薩亦爾。有四方便謂四十心。若依此釋。則無五位。地前四十五心皆加行故。餘約四位。十三住等。並如十住品明上來多是大乘初門。接引二乘擬議。彼立四善根。故有說三賢總爲趣聖方便。不分資糧加行遠近。此據終說。有言一切行位都不可說。此約頓顯真性而說。若依當部。一位之中。頓攝諸位。不礙前後而位滿處。即是因圓。約圓教說。然與前教相參。應

成四句。一唯約相。如前諸教。二唯約自體。如前頓說三以體從相。四以性融相。此二卽當今文。謂以性隨相。性不差而位歷然。以性融相。相不壞而常相卽。故下一一位中。具一切位。非但融因。亦常融果。融果之因。方是真因。鈔莊嚴論說。卽第七論偈云。行盡一僧祇。長信令增上。衆善隨信集。亦具如海滿。長行釋云。若諸菩薩行行來。一阿僧祇劫。爾時長養於信。方至上品。於信增時。一切衆善。隨信聚集。亦爲具足。如大海水。湛然圓滿。次引唯識成上莊嚴。後引雜集轉證唯識。及上二文。雜集論

60 1 2 3 4 5 6 7 8 9

80

9

撰述

圭臘彌金卷之二

三

四

云云何菩薩依瑜伽地方便修行證無所得

問也

謂諸菩薩已善積集福德智慧一種資糧已過第

一無數大劫此結前也

聞已隨順通達真如契經

等法如理作意發三摩地等五位之義十住畧明

廣在十地今但定位是資糧位信至廻向皆資糧

故有云下一明是加行四加行義亦如初地然有

二釋前釋卽三藏意此文爲證下以但云四是勝解行攝勝解行位卽通指地前設四加行在廻向後_後可亦是勝解行攝以四善根未入地故一云四加行等者卽真諦意雜集亦云願樂行人自古

四種謂十信十住十行十廻向爲菩薩聖道有四方便或有四人如須陀洹道前有四種方便此四十人名願樂行於第一阿僧祇修得圓滿亦於地前無別加行故疏結云則無五位餘約下二畧指而言等者彼有十門故一約五位二約四住三約十二住四約十三住五約十三法師六約五忍七約五十二住八約四十二賢聖九約六種性十約四十二位圓融兼第九中含於楞伽無復次位並指如前

疏第五行法差別者行隨位別亦有圓融及寄法

60 1 2 3 4 5 6 7 8 9

10

80

1

2

3

4

5

6

7

8

9

差別。若對前教亦成四句。準位應知。有以十向配於十度。隨勝受名。雖位位所迴。皆具諸度。以名收之。亦有理在。鈔第五行法差別中。先正釋圓融。則一迴向行。具攝諸迴向行。二行布。如向所釋。別名義中。有以十向配於十度者。卽北京李長者意。以名收之。亦有理在者。一救護衆生離衆生相似。施。二不壞似戒。三等佛似忍。四至一切處似進。進故周徧。五無盡功德藏似禪。禪攝德故。六隨順堅固。順般若故。七等隨順衆生同方便故。八真如相似大願故。九無縛著似力故。十法界似智入故。欲

顯多途。不壞行布。四十位中。多分相似。故爲此收而一一位中。多列諸度。又如第六廣說於施。故非正義。故云亦有理在。

佛子。是爲菩薩摩訶薩十種迴向。過去未來現在諸佛已說。當說今說。

疏四結數引證。可知。

佛子。云何爲菩薩摩訶薩救護一切衆生離衆生相迴向。

疏第五佛子云。何下說分說。十迴向爲十段。一段中。皆先長行後明偈頌。長行中各二初位行。後

60 1 2 3 4 5 6 7 8 9

10

11

9

位果。有不具者。至文當知。位行中各二。初牒名徵起。二依徵廣釋。三依釋結名。文處可見。今初跡向文闕位果。於位行中先牒名者。具如本分。又本業云。常以無相心中。常行六道。而入果報。不受而受諸受。廻易轉化。故名救護等。鈔又本業云下。初標以空涉有。卽先明離衆生相。後救護衆生也。言不受而受諸受者。受卽五陰。及與六受。由了無相故。不受諸法爲物。現在見聞覺知。故而受也。又已超五陰。現生五陰也。故淨名云。以無所受而受諸受。未具佛法。亦不滅受。而取證也。廻易轉化者。

抹護非一故。

佛子。此菩薩摩訶薩。行檀波羅蜜。淨尸波羅蜜修羼
提波羅蜜。起精進波羅蜜。入禪波羅蜜。住般若波羅
蜜。大慈大悲。大喜大捨。修如是等。無量善根。

疏。一廣釋中二。先明所廻善根。後修善根時下。正
明廻向。今初古人名此以爲行體。若順前名。救
護衆生是悲。離衆生相爲智。則以悲智爲其行體。
以是初行故。將總體以爲別體。若以爲欲廻向故。
修諸善根。卽彼善根亦得稱體。古義依此。鈔以
是初行下。通妨妨云。何以將總體爲別體。

鈔以

60 1 2 3 4 5 6 7 8 9

10

80

1 2 3 4 5 6 7 8 9

修善根時。作是念言。願此善根。普能饒益一切衆生。皆使清淨。至於究竟永離地獄餓鬼畜生閻羅王等。無量苦惱。

疏後正明迴向中二。先明隨相迴向。後我應如日下。明離相迴向。前卽迴向衆生。及與菩提。釋救護衆生。後卽迴向實際。釋離衆生相。前中二。先總明令物離苦。至究竟菩提。卽雙明慈悲。及二迴向。菩薩摩訶薩種善根時。以已善根。如是迴向。

疏後菩薩摩訶薩下別顯文分爲四。一利樂救護二佛子菩薩於非親友下受惱救護三佛子菩薩

見諸衆生下代苦救護。四佛子菩薩以諸善根正迴向下。迴拔救護。初中三二總標。二我當下別顯三佛子下總結。今初晉無菩薩等言。而有復作是念之語。彌顯前已迴向。

我當爲一切衆生作舍。免一切諸苦事故。爲一切衆生作護。悉令解脫諸煩惱。故爲一切衆生作歸。皆令得離諸怖畏。故爲一切衆生作趣。令得至於一切智。故爲一切衆生作安。令得究竟安隱處。故爲一切衆生作明。令得智光滅癡暗。故爲一切衆生作炬。破彼一切無明暗。故爲一切衆生作燈。令住究竟清淨。

60 1 2 3 4 5 6 7 8 9

10 1 2 3 4 5 6 7 8 9

處故爲一切衆生作導師。引其令入眞實法故爲一切衆生作大導師。與其無礙大智慧故。

疏一別顯中文有十句。初離苦果。二離苦因。三通因果。五怖畏中含三道故。上三通於深淺。後七唯約究竟。四得菩提。五得涅槃。六滅煩惱之源。根本不覺。若滅此者。如天之大明。七滅所知之間。故云一切無明。卽觸事不了者。若滅於此。如人執炬。委悉而照。八令得解脫。故涅槃云。澄渟清淨。卽真解脫。已脫重昏。故云燈也。九令證法身。故言真法。十令成般若。無二礙智。亦是權實無礙之智。鈔五

怖畏中含三道者。惡道怖畏苦也。惡名是煩惱。大衆威德是業。若舉其因。五皆煩惱。又死及不活。煩惱爲因。餘少功德。卽是業也。根本不覺者。卽起信心。卽最初無明。佛子。菩薩摩訶薩以諸善根。如是迴向。平等饒益一切衆生。究竟皆令得一切智事。鈔一大事義已。如初會。

佛子。菩薩摩訶薩於非親友守護迴向。與其親友等無差別。何以故。菩薩摩訶薩入一切法平等性故。不

60 1 2 3 4 5 6 7 8 9

10

80

1 2 3 4 5 6 7 8 9

於衆生而起一念非親友想設有衆生於菩薩所起怨害心菩薩亦以慈眼視之終無恚怒普爲衆生作善知識演說正法令其修習。

疏第二受惱救護中二先明受惱之相後佛子菩薩摩訶薩以諸佛法下明廻向之相前中亦二先法後喻法中有標徵釋可知。

譬如大海一切衆毒不能變壞菩薩亦爾一切愚蒙無有智慧不知恩德瞋狠頑毒嬌慢自大其心盲瞽不識善法如是等類諸惡衆生種種逼惱無能動亂疏後喻中有二喻先大海不變喻遇惡緣不變

本心海喻菩薩器量大故衆毒喻惡衆生不變喻菩薩不亂。

譬如日天子出現世間不以生盲不見故隱而不現又復不以乾闔婆城阿修羅手閻浮提樹崇巖邃谷塵霧煙雲如是等物之所覆障故隱而不現亦復不以時節變改故隱而不現。

疏一日輪普照喻遇惡不息利益於中三初喻次合後微釋。喻中畧有其二先日輪具德後遇緣不息有十一惡緣。

菩薩摩訶薩亦復如是有大福德其心深廣正念觀

60 1 2 3 4 5 6 7 8 9

10 1 2 3 4 5 6 7 8 9

察無有退屈爲欲究竟功德智慧於上勝法心生志欲法光普照見一切義於諸法門智慧自在常爲利益一切衆生而修善法曾不誤起捨衆生心疏合中具合先合具德舉其十德以合於日影顯於日亦具十德一福德之輪已圓二智用深廣難測三正念游空無有高下四慈風運用不退不疲五圓福智輪顯照空法六三乘山谷普照無私七使目覩萬像了眞俗之義八使居自乘業以智成辦九常爲利益晝夜無休十無器生盲亦不誤捨本鈔一福德等者每句之中法喻具足一如日輪

圓滿爲喻法合卽是福德已圓二唯智一字是法餘通法喻日輪廣者周鍊圍故深者不分而徧等故難測者通上二義六三乘山谷者十大山王如菩薩乘黑山爲緣覺高原爲聲聞谷兼衆生少分可生者餘可思準

不以衆生其性弊惡邪見瞋濁難可調伏便卽棄捨不修迴向但以菩薩大願甲冑而自莊嚴救護衆生恒無退轉不以衆生不知報恩退菩薩行捨菩薩道不以凡愚共同一處捨離一切如實善根不以衆生數起過惡難可忍受而於彼所生疲厭心

60 1 2 3 4 5 6 7 8 9

10

80

1 2 3 4 5 6 7 8 9

撰述

華嚴疏卷之二

疏後不以衆生下合。非緣不阻於中有四。不以具合十一事。初一不以通合生盲。先正合後。但以下反合。故出現品云。無信無解。毀戒毀見等。皆名生盲。若別合者。弊惡合生盲邪。見合乾城。令人妄謂爲實。故瞋濁合修羅手。日爲帝釋先鋒。彼瞋故覆障。次不知恩合閻浮樹崇巖邃谷。次不以凡愚下合。前塵霧煙雲以彼能徧空。猶彼凡愚同一處住。後不以衆生數起下合。前時節改變謂頻起過惑。乍善乍惡如彼晝夜陰陽失度等。

何以故。譬如日天子。不但爲一事故。出現世間。

疏三何以下徵釋中先徵意云。何以惡不厭捨。釋意云。悲智均故。文中二初喻後合。

菩薩摩訶薩亦復如是。

疏二合中二初總合。

不但爲一衆生故。修諸善根。迴向阿耨多羅三藐三菩提。普爲救護一切衆生故。而修善根。迴向阿耨多羅三藐三菩提。

疏後不但下別合。於中二初以大悲合日。惡是其境。本爲一切。豈獨據於惡人。如日普益。復棄於槁木。

60 1 2 3 4 5 6 7 8 9

80

9

如是不但爲淨一佛刹故。不但爲信一佛故。不但爲見一佛故。不但爲了一法故。起大智願。迴向阿耨多羅三藐三菩提。爲普淨一切佛刹故。普信一切諸佛故。普承事供養。一切諸佛故。普解一切佛法故。發起大願修諸善根。迴向阿耨多羅三藐三菩提。

疏二如是已下。以智合日。善惡均照故。

佛子。菩薩摩訶薩。以諸佛法而爲所緣。起廣大心。不退轉心。無量劫中修習。希有難得心寶。與一切諸佛悉皆平等。

疏第二明迴向之相中二。先辨迴向之心後佛子

下辨迴向之願。前中依悲智心行迴向故。於中二先緣境廣大上等佛心。卽以圓覺因果之法爲所緣境。圓明可貴。所以稱寶。

菩薩如是觀諸善根信心清淨。大悲堅固。以甚深心歡喜心。清淨心。最勝心。柔軟心。慈悲心。憐愍心。攝護心。利益心。安樂心。普爲衆生真實迴向。非但口言。

疏後菩薩如是下悲成利樂下救物心。於中先牒前起後生二種心。一於上等佛得淨信心。一下與衆生同大悲體。由依此二成甚深等十心。一契理故。二自慶慶他故。三離過故。四超二乘故。五定樂

撰述

華嚴疏金卷之二十一

相應故餘五可知。普爲已下。結其所用心順口故名爲眞實。

佛子。菩薩摩訶薩以諸善根迴向之時。作是念言。以我善根願一切趣生。一切衆生皆得清淨功德圓滿。不可沮壞。無有窮盡。常得尊重正念不忘。獲決定慧。具無量智身口意業。一切功德圓滿莊嚴。

疏第一。正辨迴向之願文中。先願衆生令成法器。

又作是念。以此善根。令一切衆生承事供養。一切諸佛無空過者。

疏一。又作下。今得法圓滿。於中四。總舉遇緣得法。

於諸佛所淨信不壞。聽聞正法。斷諸疑惑。憶持不忘。如說修行。於如來所起恭敬心。身業清淨。安住無量廣大善根。永離貧窮。七財滿足。

疏一。於諸佛下。成自分德。滿七財者。卽十歲前七。鈔上辨十歲前七者。一信。二戒。三慚。四愧。五聞。六施。七慧故。

於諸佛所常隨修學。成就無量勝妙善根。平等悟解。住一切智。以無礙眼等視衆生。衆相嚴身。無有玷缺。

撰述

華嚴疏錄卷之二

三

言音淨妙功德圓滿諸根調伏十力成就善心滿足無所依住。

疏三於諸佛所常隨下。勝進德圓。

令一切衆生普得佛樂得無量住住佛所住。

疏四令一切下明得果滿先標佛樂下一句釋故第三迴向畧明十種樂謂不可思議佛所住樂等鈔第二迴向等者疏文有一等取餘九一無有等比佛三昧樂三不可限量大慈悲樂四一切諸佛解脫之樂五無有邊際大神通樂六最極尊重大自在樂七廣大究竟無量力樂八離諸知覺寂

靜之樂九住無礙住恒正定樂十行無二行不變異樂。

疏又不思議法品畧明十種無量住謂常住大悲等鈔又不思議法下疏亦有一等餘一住種種身作諸佛事三住平等意轉淨法輪四住四辨才說無量法五住不思議一切佛法六住清淨音徧無量土七住不可說甚深法界八住現一切最勝神通九住能開示無有障礙究竟之法減數十耳佛子菩薩摩訶薩見諸衆生造作惡業受諸重苦以是障故不見佛不聞法不識僧便作是念我當於彼

撰述

華嚴疏錄卷之二

三

諸惡道中。代諸衆生受種種苦。令其解脫。菩薩如是受苦毒時。轉更精勤。不捨不避。不驚不怖。不退不怯。無有疲厭。何以故。如其所願。決欲荷負一切衆生。令解脫故。

疏第三代苦救護中。文分爲三。初總明代苦迴向。二復作是念我所修行下。別明迴向之心。三佛子菩薩摩訶薩以諸善根如是迴向。所謂隨宜下總結成益。今初分一。初明先救重苦。後菩薩爾時作是念言。下念偏救諸苦。今初有一。先見苦興悲心。堅不退。堅有七相。謂不捨所行。不避苦事。不驚忽離。

至不怖迷倒。不退大悲。多苦不怯。長苦無厭。二何以下徵以釋成徵。有一意。一云。生自造苦。何干菩薩而欲代之。二云。劇苦難堪。何爲不厭。釋意。云。本願荷故。逢苦若厭。焉能荷負。

菩薩爾時作是念言。一切衆生。在生老病死諸苦難處。隨業流轉。邪見無智。喪諸善法。我應救之。令得出離。

疏一念偏救諸苦中。一先救八苦八難等苦。故有諸言。隨業流轉。是業繫苦。邪見無智。是愚癡苦。我應已下。起救之心。鈔先救八苦者。一生苦。一老

撰述

毒羅羅陀金剛經卷之二

三

三病四死五盛陰六求不得七怨憎會八愛別離八難下當廣釋。

又諸衆生愛網所纏。癡蓋所覆。染着諸有。隨逐不捨。入苦籠檻作魔業行。福智都盡。常懷疑惑。不見安隱處。不知出離道。在於生死輪轉不息。諸苦淤泥。恒所沒溺。菩薩見已。起大悲心。大饒益心。欲令衆生悉得解脫。以一切善根迴向。以廣大心迴向。如三世菩薩所修迴向。如大迴向。經所說迴向。願諸衆生普得清淨。究竟成就一切種智。

疏一又諸衆生下救迷四諦苦文中分二初念苦

境一菩薩見下。正興悲救。今初於中先不知集。謂癡愛爲本。是煩惱道。染着已下。明其業道爲有造行。故名染著。隨業入苦。如彼鳥獸。因食愛故。入於籠檻。作魔業行。明有惡業。福智都盡。明無善業。次常懷疑惑。無生道見滅之因。故不見安隱圓寂。不知出離道諦。在於生死苦諦。二興悲救中。起大悲心者。令脫苦集故。大饒益心者。令得清淨滅道故。故用善根迴向。大迴向經者。賢首云。如圓教所說。普賢迴向。故然藏內有大迴向經。此教最初不應指彼。若結集從簡。於理可然。

60 1 2 3 4 5 6 7 8 9

80

復作是念我所修行欲令衆生皆悉得成無上智王
不爲自身而求解脫但爲救濟一切衆生令其咸得
一切智心度生死流解脫衆苦。

疏第二別明代苦迴向之心中有五復念前三明
代苦之心後二明迴向之心今初卽分爲三初明
一向普救無自爲心次衆苦備受無懈怠心三決
志保護無虛妄心初文可知。

復作是念我當普爲一切衆生備受衆苦令其得出
無量生死衆苦大壑我當普爲一切衆生於一切世
界一切惡趣中盡未來劫受一切苦然常爲衆生勤

修善根何以故我寧獨受如是衆苦不令衆生墮於
地獄我當於彼地獄畜生閻羅王等險難之處以身
爲質救贖一切惡道衆生令得解脫。

疏二中復二先正明後徵釋今初言大壑者如尾
閻壑飲縮衆生無斁已故後徵釋中先徵意云何
以獨爲衆生備受衆苦復勤修耶釋云一身之苦
令多解脫故願自受顯悲之深鈔尾閻壑義出
現品當明。

疏問衆生之苦自業所招自心所變云何菩薩而
能代耶答通論代苦有其七義一以苦自要增悲

60 1 2 3 4 5 6 7 8 9

80

9

撰述

華嚴疏金卷之二

三

念故瑜伽四十九云。問菩薩從勝解行地隨入淨勝意樂地時。云何超過諸惡趣等。此問菩薩云何自離惡趣下答文廣意云。謂菩薩於世間清淨靜慮已善積資糧於多苦有情修習哀愍無餘思惟由此修習故得哀愍意樂及悲意樂爲利惡趣有情誓處惡趣如已舍宅設住惡趣能證菩提亦能忍受爲除物苦願身代受令彼惡業永不現行一切善業常得現行由此悲願力故一切惡趣諸煩惱品所有龕重於自所依皆得除遣得入初地釋曰。約此但有悲願意樂身不能代由悲決定自獲

勝益二約菩薩本爲利生求法苦行已名爲代後能爲物爲增上緣亦名代受二約菩薩留惑同事受有苦身爲生說法令不造苦因因亡果喪亦名代受四設有衆生欲造無間等業菩薩化止不從遂斷其命菩薩自受惡趣苦報令彼得免無間大苦名爲代受此依梁攝論第十一說涅槃仙預國王亦同此義非唯意樂而已五由菩薩初修正願爲生受苦至究竟位願成自在常在惡趣救代衆生如地藏菩薩及現莊嚴王等乃至饑世身爲大魚皆其類也或以光明照觸或以神力冥加其事

60 1 2 3 4 5 6 7 8 9

80

非一。六由菩薩此願契同真如。彼衆生苦。卽同如性。以同如之願還潛至卽真之苦。依此融通亦名代也。七由普賢以法界爲身。一切衆生皆是法界。卽衆生受苦。常是菩薩故名爲代。上來七義初但意樂。次一但約爲增上緣。四五二義實能身代。六七二義理觀融通。鈔此依梁攝論者。本論云。甚深差別者。若菩薩由如此方便勝智。行殺生等十事。無染濁過失。生無量福德。速得無上菩提勝果。釋論曰。如菩薩能行。如所堪行。方便勝智。今顯此二二義。若菩薩能行。知如此事。有人必應作無間等。

惡業。菩薩了知其心。無別方便可令離此惡行。唯有斷命方便能使不作此惡。又知此人捨命必生善道。若不捨命。決行此業。墮極苦處。長時受苦。菩薩知此事已。作如是念。我若行此殺業。必墮地獄。願我爲彼受此苦報。當令此人於現在世受少輕苦。於未來世久受大樂。譬如良醫治有病者。先加輕苦。後除重病。菩薩所行亦復如是。於菩薩道。無非福德。故離染濁過失。因此生長無量福德。故能疾證無上菩提。如此方便。最爲甚深。行盜等行。亦復如是。涅槃仙預國王者。第十六經梵行品。因說

60 1 2 3 4 5 6 7 8 9

80

9

撰述

華嚴疏金卷之二十一

三

同

一子地迦葉難云。若諸菩薩在一子地者。云何如來昔爲國王行菩薩行時。斷絕爾所婆羅門命。下佛廣答。先說慈悲竟。末云。菩薩常思以何因緣能令衆生發起信心。隨其方便要當爲之。諸婆羅門命終之後。生阿鼻地獄。卽有三念。一者自念我從何處而來生此。卽便自知從人道中來。二者自念我今所生爲是何所。卽便自知是阿鼻地獄。三者自念我何業緣而來生此。卽便自知我謗方等大乘經典。不信因緣爲國王所殺而來生此。念是事已。卽於大乘方等經典。生信敬心。尋時命終。生

露鼓如來世界。於彼壽命具足十劫善男子。以是義故。我昔爲與是人十劫壽命。云何名殺。

疏問。若依四五一義。應能普代何故。猶有衆生受苦。荅此有二義。一有緣無緣故。與菩薩有緣則可代也。二業有定不定故。不定者可代。三若受苦有益。菩薩令受方能究竟得離苦故。如父母教子。付嚴師令治。如是密益非凡小所知。

復作是念。我願保護一切衆生。終不棄捨。所言誠實無有虛妄。

疏第三決志保護中一先正明。

60 1 2 3 4 5 6 7 8 9

80

撰述

華嚴疏金言卷之十一

三

何以故。我爲救度一切衆生發菩提心。不爲自身求無上道。

疏後徵釋。徵意云。云何不捨。何名不虛。釋有一意。一異小乘。不自爲故。

亦不爲求五欲境界。及三有中種種樂故。修菩提行。疏一亦不爲下明異。凡夫著欲過故。文中三初正明不求。

何以故。世間之樂無非是苦。衆魔境界。愚人所貪。諸佛所訶。一切苦患。因之而起。地獄餓鬼。及以畜生。閻羅王處。忿恚闍訟。更相毀辱。如是諸惡。皆因貪著五欲所致。耽著五欲。遠離諸佛。障礙生天。何況得於阿耨多羅二藐三菩提。

疏一徵釋所以所以不求者。見多過故。文中體即是苦。復能生苦。近障天樂。况大菩提。惑習雙亡。今言婬欲。卽是道者。善須得意。鈔近障天樂者。釋曰。此卽大品經意第一經云。菩薩摩訶薩行般若波羅蜜。增益六波羅蜜時。諸善男子。善女人。各各生歡喜意。念言我等常爲是人。作父母妻子親族知識。爾時四天王天乃至阿迦尼吒天。皆大歡喜。各各念言。我等常作方便。令是菩薩離於婬欲。從

60 1 2 3 4 5 6 7 8 9

80

9

初發意常作童真莫使與色欲苦會。若受五欲障生梵天。何況阿耨多羅三藐三菩提。以是義故。舍利弗。菩薩摩訶薩斷婬欲出家者。應得阿耨多羅三藐三菩提。非不斷欲。今言婬欲下。誠勸得意之義。前已曾有法界品中更當廣釋。

菩薩如是觀諸世間貪少欲味受無量苦。終不爲彼五欲樂故。求無上菩提修菩薩行。但爲安樂一切衆生。發心修習成滿大願。斷截衆生諸苦罣索。令得解脫。

疏二菩薩如是下結成前義

佛子。菩薩摩訶薩復作是念我當以善根如是廻向令一切衆生得究竟樂。利益樂不受樂寂靜樂無依樂。無動樂無量樂。不捨不退樂不滅樂。一切智樂。疏第二有二。復念明廻向之心卽分二。初念令彼得樂後念身爲保護。今初乘前欲苦故令得樂文有十句。初總餘別。別中前八涅槃後一菩提於涅槃中。一住涅槃能建大事。名爲利益。二滅心數。三證無爲。四無能所。五相不能遷六廣無分量。七生死真性。即是涅槃。故無所捨。智冥真理。是以不退。八一得永常湛然不滅。依解節經說有五樂。一

出家樂。脫家難故。遠離樂。以斷欲得初禪故。二寂靜樂。一禪爲首覺觀息故。四菩提樂。於法如實覺故。五涅槃樂。息化入無餘故。彼通人天今唯究竟會釋可知。鈔依解節經說有五樂。初會已具復作是念。我當與一切衆生作調御師。作王兵臣。執大智炬。示安隱道。令離險難。以善方便。俾知實義。又於生死海。作一切智善巧船師。度諸衆生使到彼岸。疏一保護中。初示安隱道。令得菩提名知實義。後又於下。令度生死海。得大涅槃名到彼岸。

佛子。菩薩摩訶薩以諸善根。如是廻向。所謂隨宜救

護一切衆生。令出生死。承事供養一切諸佛。得無障礙。一切智智。捨離衆魔。遠惡知識。親近一切菩薩善友。滅諸過罪。成就淨業。具足菩薩廣大行願。無量善根。

疏第三總結成益中。初總標。所謂下別顯。別中初句。救護餘皆成益。

佛子。菩薩摩訶薩以諸善根。正廻向已。作如是念。不以四天下衆生多故。多日出現。但一日出。悉能普照一切衆生。又諸衆生。不以自身光明故。知有晝夜遊行觀察。興造諸業。皆由日天子出。成辦斯事。然彼日

撰述

華嚴疏金卷之二

輪但一無二。

疏第四迴拔救護。謂孤標大志。普爲衆生。而無冀望。文中二先喻後合喻。中有二獨照喻。二又諸下成益喻。菩薩摩訶薩亦復如是。修習善根。迴向之時。作是念言。彼諸衆生不能自救。何能救他。唯我一人志獨無侶。

疏法合亦二。先合獨照。

修習善根。如是迴向。所謂爲欲廣度一切衆生故。普照一切衆生故。示導一切衆生故。開悟一切衆生故。

顧復一切衆生故。攝受一切衆生故。成就一切衆生故。令一切衆生歡喜故。令一切衆生悅樂故。令一切衆生斷疑故。

疏後修習下合前成益。卽正顯迴向。初之一句。通其二勢。一成前。一標後。所謂下別顯。文有十句。初總餘別。照謂照機。顧復之義。見於毛詩。餘文可了。鈔顧復之義。見於毛詩。云。父兮生我。母兮鞠我。拊我畜我。長我育我。顧我復我。出入腹我。鄭玄箋云。顧視也。復反也。言子離雖近。猶步步反顧。今菩薩於諸衆生亦爾。

佛子。菩薩摩訶薩復作是念。我應如日。普照一切。不求恩報。衆生有惡。悉能容受。終不以此而捨誓願。不以一衆生惡故。捨一切衆生。但勤修習善根。迴向。普令衆生皆得安樂。

疏第二段。我應如日普照一切下。離相迴向。於中二先以忘機之智。導前大悲。令成無緣。後安置下。正明大智離衆外相。今初功高二儀而不仁。明喻日月而彌昏。於中先正明無私。不求恩故。能容受惡爲普照。故不以一惡而捨衆多。設盡背恩。尚無嫌恨。豈況一耶。鈔今初功高等者。卽肇

論中文用老子意。老子云。天地不仁。以萬物爲芻狗。聖人不仁。以百姓爲芻狗。卽道經道冲而用之。章注云。不仁者。不爲仁恩也。芻狗有二。河上公云。芻草。狗畜。卽二物也。御注云。結芻爲狗。不恃其警吠也。大意明天地聖人無心恃其仁德也。今菩薩亦然。菩薩功高而不恃。般若觀空故而彌昏者。若無所知也。言高二儀者。二儀覆而不載。載而不覆。菩薩兼之。又但覆身不能覆心。及萬善等。言明逾日月者。日月之明。不兼晝夜。大悲菩薩長燭幽昏。日月照身。不能照心。菩薩智慧反此。無法不照。故

下文云不求恩報卽不仁等義也。

善根雖少。普攝衆生。以歡喜心。廣大迴向。若有善根。不欲饒益。一切衆生。不名迴向。隨一善根。普以衆生而爲所緣。乃名迴向。

疏後善根雖少。下顯成廣大。大智導悲。能普緣故。如聲入角。小亦遠聞。安置衆生。於無所著法性。迴向見衆生自性。不動不轉。迴向於迴向。無所依無所取。迴向不取善根。相迴向。不分別業報體性。迴向不著五蘊。相迴向。不壞五蘊。相迴向。不取業迴向。不求報迴向。不染著因緣。迴向。不分別因緣所起。迴向。不著名稱。迴向。不著處所。迴向。不著虛妄法。迴向。

疏第二。正明離相。迴向謂向實際。然一一隨相。皆具如下諸句。離相說有前後。行在一心。鈔然。一隨相等者。且如上向一衆生。卽安置衆生。無所著法性。迴向等諸句。又如大般若。隨一離相。徧歷八十餘科之相。如一清淨。徧歷色等。今不欲繁文。故各併一處。

疏文分爲二。先正明離相。後菩薩如是下總結成益。前中義雖總通。且取文便。畧分爲二。先會前迴

60 1 2 3 4 5 6 7 8 9

80

撰述

華嚴疏錄卷之十一

四

向衆生明入實際。後以如是等下會前迴向菩提。
明入實際。然入實際卽事理無礙故。前段亦明不
離蘊等。後段亦明離我我所。前中一二先廣明離善
根迴向之相。二解一切下雙結二相。前中有二十
一迴向分四。初十四句離所取相。次二句離能取
相。三一句離能詮名言。四有四句顯如如理。由離
妄想成正智故。令前名相皆卽如如。鈔初十四
句等者。此中卽具五法。一相。二妄想。三名。四如如。
其正智舍在離妄之中。

疏今初初總餘別總謂令所向衆生契同所向實

際故名安置實際卽法性性自無著。鈔性自無
著者揀非修成無著修成文在安置之中。

疏別中一二前十入理後三離過。今初初句遣所
向衆生了自性故不著。凝然不動隨緣不變。一遣
能迴悲願不依於悲。不取願相。三遣所迴善根。四
遣所獲果報。五六二句雙明起行之身及所向衆
生之相。卽真故不著。卽俗故不壞。七遣所成業行
八遣所得報相。上四遣體九總顯諸事能成因緣。
十總明前事從緣所起。明上迴向不出前十。由後
二句故無性無性故卽法性故無所著。鈔了自

60 1 2 3 4 5 6 7 8 9

10

80

1 2 3 4 5 6 7 8 9

撰述

華嚴疏錄卷之十一

性者。自性卽真如。具不變隨緣故。九總顯等者。諸事卽能迴能向等。皆從緣生。故明上等者。卽總結也。由後等者。一句卽能成因緣。及緣所起。以從緣起。故無性也。無性等者。結歸總句。安置衆生於無所著法性迴向也。以總該別。故皆無著也。

疏後三離過一。不著虛名。二不著報處。三不著敬養等名。虛妄法。梵不善法。大不善。貪慾不變。一。事不著衆生相。世界相。心意相。迴向不起心顛倒想顛倒見顛倒迴向。

疏一離能取相中。初句對所說能後句別無三倒。

謂於前諸事起心分別。常無常等。名爲心倒。於常等境。取分齊相。名爲想倒。於相執實。名爲見倒。翻背正信。立以倒名。翻上名爲不起三倒。

疏故大品十七。彌勒語須菩提言。新發意菩薩隨喜諸佛及佛弟子。善根已迴向菩提。云何不墮想心見倒。須菩提言。於彼善根心。不生想。用此心迴向菩提。於此迴向心。亦不生心想。如是迴向。則非想倒心倒見倒。若取相迴向爲想心見倒。光明覺品云。若於一切智。發生迴向心。見心無有生當獲大名稱。此亦無三倒也。若依大般若第二會隨喜。

支那

華嚴疏錄卷之十一

提

目

60 1 2 3 4 5 6 7 8 9

80

廻向品意則上諸事皆盡滅離變此中何者是諸事耶若菩薩知此一切乃至菩提皆無所有而復能行隨喜廻向則非想心見倒以無所得爲方便故鈔故大品下卽隨喜廻向品引文小畧若具經云爾時彌勒菩薩語須菩提若新發意菩薩念諸佛及佛弟子諸善根隨喜功德最上第一最妙無上無與等者隨喜已應廻向菩提云何菩薩不墮想顛倒心顛倒見顛倒須菩提言若菩薩念諸佛及僧於中不生佛想不生僧想不生善根想用是心廻向菩提心中亦不生心想菩薩如是廻向

想不顛倒心不顛倒見不顛倒若菩薩念諸佛及僧善根取相取相已廻向菩提名爲想顛倒心顛倒見顛倒智論釋云須菩提答言若是菩薩以般若波羅蜜方便力故能於諸佛不生佛想及弟子諸善根中不生善根想一切法從和合生無有自性故無有實法名爲佛是不生佛等想是廻向心亦不生心想是故菩薩不墮顛倒三若依大般若第二會正當別行大品文辭小異大旨無別而大品所引經末亦云若菩薩摩訶薩用是心念諸佛及僧諸善根是心念時卽知盡滅若盡滅法是不

60 1 2 3 4 5 6 7 8 9

80

撰述

華嚴疏錄卷之一

四

可得。廻向心亦是盡滅相。所廻向處及法。亦如是。相而人謂一經全別。故疏影畧引之。皆名性空心。無取耳。

疏然小乘或說想心見三次第而起。或說一時。義分前後。心想非倒。由見亂故。立以倒名。雖諸說不同。皆六識建立。若大乘中。亦有多說。一云依七識心。義分三倒。謂七識妄心。性是乖理。顛倒之法。各爲心倒。依是心故。便有一切妄境界生。如依夢心。有夢境起。卽於彼境妄取其相。說爲想倒。於所取法執實分明。說爲見倒。依此三倒。於爲無爲境起。

常無常等八種顛倒。諸宗異說。恐厭繁文。鈔然小乘或說下。第三釋不同。畧舉二說。小乘有一初。即分別論者。說想心見次第起。謂初發微想。常無常等。次重起心緣前之想。取爲定實。後見成就於所取中。執見分明。此卽三心俱是倒也。若釋名者。想謂取境分齊之相見。謂推求心。謂積集。此中想等體。卽是倒。皆持業釋。或說一時者。卽法救論師。心想見三。同時義分。唯見是倒。餘二非倒。與見相應。爲見所亂。名之爲倒。是故見雅持業。餘二依王俱舍論王。正扶此義。頌云。四顛倒自體。謂從三見。

撰述

聖嚴法金卷之二

四

四

生。唯倒推增故。想心隨見力。釋曰。初兩句出體。第三句廢立。第四句通經。初出體者。謂邊見中。唯取常見以爲常倒。於見取中。唯取計樂淨爲樂淨倒。於身見中。唯取我見以爲我倒也。唯倒推增故者。廢立也。此舉三因。以立四倒。一向倒。故云唯倒也。一推度性故。二妄增益故。餘或無此三因。謂戒禁取。非一向倒。孰有漏道得淨涅槃。雖非究竟斷惑證滅。而能覽時離染證滅。緣爲淨故。斷見邪見。非妄增益。無行轉故。餘貪瞋等。不能推度。非見性故。是故諸惑。非顛倒體。言想心隨見力者。通經也。

謂有問云。若唯見是倒。何故經言。於非常計常。有想心見。三倒於苦不淨。非我亦有想心見三倒。答理實唯見是倒。想心隨見亦立倒名。與見相應故。行相同。常樂我淨。三四十二。故此十二倒依婆沙師預流永斷。見及相應見所斷故。餘如彼說。依此釋名。想謂取境分齊。見謂推求。心謂積集。若大乘下。雖標多說。但出其一意。通性相宗在文可知。又有釋云。若細分別。想心二倒可通七識。見是執著。局於六識者。卽下三藏意。七識既有四惑。中有我見。豈無見耶。諸宗等者。不欲繁文。然上已有三宗。

60 1 2 3 4 5 6 7 8 9

80

撰述

吾處疏金卷之十一

四

之義。其薩婆多更有一釋。想謂於無常苦不淨中。妄想分別見。謂卽於彼所分別中。忍可欲樂建立執著心。謂卽於彼所執著中。貪等煩惱皆卽心所名心。非心王也。旣以王爲所。不順今文。故不出之大乘之中。復有三說。一依起信。三倒之心。唯一切念亦名不覺。亦名無始無明。而此無明全依本覺。還迷本覺。從無始來。念念相續。未曾離念。卽是一切心識之相。然依不覺復生三種。一無明業相等。卽以三細業轉現。二如次爲心見想之三倒也。今菩薩雖未究竟覺已離凡夫不覺。一乘初心相似。

覺故亦名爲離。釋曰。以三細諸德正義皆在賴耶。菩薩地盡。始覺同本方得永離。以此而爲三倒。非順今文。故疏不出。又依禪宗傳於達磨。用楞伽意。五識帶想。總名想倒。第七染淨別名心倒。第六意識起。諸見倒。釋曰。不順法窟。故不出之。三云。依唐三藏傳慈氏論。五識現量。總無顛倒。猶如明鏡。現衆色相。故第七染識有想見倒。第六意識具有三倒。取我法相。名爲想倒。於想愛樂。復名心倒。於想計著建立。乃名見倒。此亦分明上之大小乘。大同小異。故不委存。恐要委知。故復出耳。初釋經文。

60 1 2 3 4 5 6 7 8 9

10

80

1

2 3 4 5 6 7 8 9

9

撰述

華嚴疏錄卷之十一

五

甫

乃通諸說多同唐二藏意。

不著語言道廻向。

疏三一句離能詮名言。

觀一切法真實性廻向。觀一切衆生平等相廻向。以法界印印諸善根廻向。觀諸法離貪欲廻向。以疏四有四句顯如如者。前明妄空。一切皆空。此彭實有一切妙有。又卽前之空是此之實。一義不二。爲真法印。是卽妄取廻向。菩薩不有真實廻向。菩薩不無文有四句。初總顯實性。次別約衆生。三印諸事善。四心絕貪求。鈔四有四句下。先彰大意。

以諸宗或說妄空真有。一真空妄有。二真妄俱有。四真妄俱空。此具四意。前明名相妄想皆空。卽妄空也。此顯如如理有。卽真有也。而疏云。一切皆空者。則涅槃菩提亦空。計有爲妄情故。又言一切妙有者。則衆生善根亦皆妙有。萬法卽真故。次云又卽前之空。是此之實者。上明前空此有。今卽前之空。是此之實。則空卽有。則空非空。此有卽空。則非有矣。由此則妄空真有。卽是妄有真空。何者。謂虛妄之法。緣生無性。名爲妄空。真性湛然。名爲真有。今卽上妄法緣生。故名妄有。卽無性性。名爲真。

60 1 2 3 4 5 6 7 8 9

10

80

1 2 3 4 5 6 7 8 9

撰述

華嚴疏金卷之二

三

諦故說真空。此無性空體即是實。故名真有。是故言語則別理無一致。是則妄取迴向下結成本義。此卽妄空真有意。然但除其病而不除法。故前相歷然而無取著耳。

解一切法無種植善根亦如是。觀諸法無二無生無滅。迴向亦如是。

疏第二雙結者。一句結所迴善根。善根可以獨修。但云種植一句結迴向行。迴向必有能所。故觀無二。如此則德本不生。惑本不滅。又惑累寂然不生。真德湛然不滅。鈔如此則德本不生者。此是真

有本有。湛然不生妄惑。本空空無可滅。又惑累寂然不生。翻上惑不滅爲不生。真德湛然不滅。翻上真不生爲不滅。前惑空無可滅。今空則寂然故不生。前以真無初故不生。今以真無後故不滅。以如是等善根迴向修行清淨對治之法。所有善根皆悉隨順出世間法。不作二相。

疏第二會前迴向菩提入實際者。又前明隨相次辨離相。欲顯此二同時。故雙非卽離。文中三初結前生後二非卽下法喻釋成三離我下結成迴向。鈔又前明隨相者。上判會菩提入實。卽是離相。

撰述

華嚴疏錄卷之十一

十一

中義。今以小異分之。則可爲三。第一隨相廻向。第二以前會衆生入實爲離相。第三以今文爲隨離同時。疏今初由前離相所行清淨。故順出世無上菩提而言二者。善根廻向。世與出世若有若無。若卽若離。皆名爲一。今並無之。鈔而言二者。善根廻向等者。此有四。一皆躡前文。一善根廻向爲一二。卽向言善根亦如是。廻向亦如是以總收前二故。二者世與出世爲一二。卽今經以善根隨順出世。則能隨順是世故。三若有若無爲一二。卽前妄空真影清淨。

疏二釋成中先法後喻法中二對初以所廻善根對能廻行願辨非卽離明因中無二初句業非廻向能所別故次句不離離業無可廻故亦同淨名影清淨。

疏二釋成中先法後喻法中二對初以所廻善根對能廻行願辨非卽離明因中無二初句業非廻向能所別故次句不離離業無可廻故亦同淨名

60 1 2 3 4 5 6 7 8 9

80 1 2 3 4 5 6 7 8 9

布施迴向一切智爲二布施性。即是迴向一切智性。故不離斯爲不二。非卽故無不二也。後對因果相望初句果不卽因後句離因無果。文影畧耳理應因果各有非卽離義。鈔亦同淨名等者。卽無戒忍辱精進禪定智慧迴向一切智爲二智慧性。卽是迴向一切智性於其中入一相者。是爲入不二法門。釋曰。但知初度餘例可知。故不廣引。斯爲不二者。結彼經文以釋今經。謂以今經不離是彼一性。故不二。以今經非卽重遣不二。則如文殊離

諸問答乃至爲真不二文影畧者。亦合云業非一切智然不離一切智而別有業。故云理應因果各有非卽非離之義。

疏後喻中乘光發影及水月之影。皆緣生無性。非卽非離故云清淨。初二句以因對報報通十地。故後一句以報對果離我我所。一切動亂思惟分別。如是了知。以諸善根方便迴向。

疏三結成迴向者能迴之我所迴之所。若隨若離並稱動亂。今照而常寂故離斯分別而不壞相。故

名方便。

菩薩如是廻向之時。度脫衆生。常無休息。不住法相。雖知諸法無業無報。善能出生一切業報。而無違諍。如是方便善修廻向。菩薩摩訶薩。如是廻向時。離一切過諸佛所讚。佛子。是爲菩薩摩訶薩第一救護一切衆生。離衆生相廻向。

疏第二總結成益者。由隨離不二。故成無礙離過之益。及第三結名文並可知。

爾時金剛幢菩薩觀察十方一切衆會。暨于法界。入深句義。以無量心修習勝行大悲普覆一切衆生。不

斷三世諸如來種。入一切佛功德法藏。出生一切諸佛法身。善能分別諸衆生心。知其所種善根成熟。住於法身。而爲示現清淨色身。承佛神力。卽說頌言。

疏第二爾時下重頌分二。先敘儀意。於中初後二句說儀入深句義者。說依以無量下。亦是說依。依此說故。亦說所爲爲此說故。

不思議劫修行道精進堅固心無疑。爲欲饒益羣生類。常求諸佛功德法。

調御世間無等人。修治其意甚明潔。發心普救諸含識。彼能善入廻向藏。

勇猛精進力具足。智慧聰達意清淨。普救一切諸羣生。其心堪忍不傾動。

心善安住無與等。意常清淨大歡悅。如是爲物勤修行。譬如大地普容受。

不爲自身求快樂。但欲救護諸衆生。如是發起大悲心。疾得入於無礙地。十方一切諸世界。所有衆生皆攝受。爲救彼故善住心。如是修學諸迴向。

疏後正陳偈詞。一十八偈分二。前八偈半頌所迴善根。前六四等。一慈一悲。一偈半喜。一偈半捨。如

地無心故。一偈結其普偏。

修行布施大欣悅。護持淨戒無所犯。勇猛精進心不動。迴向如來一切智。

其心廣大無邊際。忍力安住不傾動。禪定甚深恒照了。智慧微妙難思議。十方一切世界中。具足修治清淨行。

疏後二偈半明六度。

如是功德皆迴向。爲欲安樂諸含識。大士勤修諸善業。無量無邊不可數。如是悉以益衆生。令住難思無上智。

疏後如是下十九偈半頌迴向行分一前七偈半頌隨相初一偈半頌利樂迴向。

普爲一切衆生故不思議劫處地獄如是曾無厭退心勇猛決定常迴向。

不求色聲香與味亦不希求諸妙觸但爲救度諸羣生常求無上最勝智。

智慧清淨如虛空修習無邊大士行如佛所行諸行法彼人如是常修學。

大士遊行諸世界悉能安隱諸羣生普使一切皆歡喜修菩薩行無厭足。

除滅一切諸心毒思惟修習最上智不爲自己求安樂但願衆生得離苦。

此人迴向得究竟心常清淨離衆毒三世如來所付囑住於無上大法城。

疏後六頌代苦迴向餘畧不頌鈔餘畧不頌卽不頌受惱迴拔二救護也。

未曾染著於諸色受想行識亦如是其心永出於三所有功德盡迴向。

佛所知見諸衆生盡皆攝取無有餘普願皆令得解脫爲彼修行大歡喜。

60 1 2 3 4 5 6 7 8 9

10 1 2 3 4 5 6 7 8 9

撰述

華嚴疏金卷之二

三

四

其心念念恒安住。智慧廣大無與等。離癡正念常寂然。一切諸業皆清淨。

彼諸菩薩處於世。不著內外一切法。如風無礙行於空。

大士用心亦復然。

所有身業皆清淨。一切語言無過失。心常歸向於如來。能令諸佛悉歡喜。

疏未曾下十二偈。頌前離相於中一。前五頌正明離相。

十方無量諸國土。所有佛處皆往詣。於中覩見大悲尊。靡不恭敬而瞻奉。

心常清淨離諸失。普入世間無所畏。已住如來無上道。復爲三有大法池。

精勤觀察一切法。隨順思惟有非有。如是趣於真實。以此修成堅固道。一切衆生莫能壞。善能了達諸法性。普於三世無所著。

如是廻向到彼岸。普使羣生離衆垢。永離一切諸所依。得入究竟無依處。

一切衆生語言道。隨其種類各差別。菩薩悉能分別說。而心無著無所礙。

60 1 2 3 4 5 6 7 8 9

80

菩薩如是修迴向。功德方便不可說。能令十方世界中一切諸佛皆稱歎。

疏後十方下七偈頌前成益文並可知。

比丘廣充自捨淨資并募共九兩二錢一分二厘刻此一卷姓名開後
卜胤昌 顧自新 沈萬壽 鍾成 明現 龔漢
沈煌 袁門張氏 黃天祐 黃應麒 吳意
華海洪 寂定各三錢 廣隆四錢 張恩 李
應春 寂淨各二錢 張廷熙 張廷杰 陳吼
姚應元 沈憲 周之彥 卜道隆 楊良伯 仲
時俊 仲特鑛 孫道宏 張潮 張文獻 道見
廣泓 沈達 沈顯 沈性海 張道升 寂悟
性憲 寂安 慧禪 大愚 海慧 智亮 陳吼
陳氏 二分 沈氏各一錢 廣德一錢五分 張應忠
錢

大方廣佛華嚴經疏鈔卷二十三之二終

大方廣佛華嚴經疏鈔卷二十四

于闐國三藏沙門實叉難陀譯

清涼山大華嚴寺沙門澄觀撰述

十迴向品第二十五之二

佛子云何爲菩薩摩訶薩不壞迴向

疏第二不壞迴向長行中二先位行後位果位行
中二謂標釋結今初標名徵起謂於諦寶等十種
勝境深信堅固得不壞名然十表無盡信通事理
故本業云觀一切法但有用但有名念念不住故
名不壞是知善根迴向皆通事事無礙方真不壞

耳。鈔故本業云下。證通事理。但有名用事也。念念不住。故名不壞者。單取不住。卽是刹那無常。合是壞義。以無所住。故名不住。則是理不壞義耳。準下供具等。皆通事事無礙。

佛子。此菩薩摩訶薩。於去來今諸如來所得。不壞信。悉能承事一切佛故。於諸菩薩乃至初發一念之心。求一切智。得不壞信。誓修一切菩薩善根。無疲厭故。於一切佛法。得不壞信。發深志樂故。於一切佛教。得不壞信。守護住持故。於一切衆生。得不壞信。慈眼等。觀善根。迴向普利益故。於一切白淨法。得不壞信。普攝取種種無量無數行境界故。

疏第二佛子下。依徵廣釋中三。初舉所迴善根。二辨迴向之行。三明迴向所爲。今初分二。先明起不壞信。後佛子下。依信種善。今初十句。不出三寶四信。初句佛寶。次句僧寶。餘皆法寶。於中初句是總。兼合理法。餘七句別別。中初一教法。次四行法。

60123456789

80123456789

一大悲行。二惡止善行。行亦攝於戒。三廻向行。四近友行。次一果法。後一重舉行法。意欲總包其中。理法。卽信真如。鈔不出三寶四信者。四信卽三寶外加一。然二文不同。若起信論。卽是真如。故彼論修行信心分云。畧說信有四種。一者信根本。所謂樂念真如法故。二者信佛有無量功德。常樂親近供養恭敬。發起善根。願求一切智故。三者信法有大利益。常念修行諸波羅蜜故。四者信僧。能正修行。自利利他。常樂親近諸菩薩衆。求學如實行故。故下疏云。其中理法。卽信真如。二若準瓊珞下。

卷四不壞信。前三是三寶。四是正戒。云從今時盡未來際。歸依佛。歸依法。歸依賢聖僧。歸依戒法。如是言說。故疏云。二惡止善行。行亦攝於戒。意取戒爲第四信故。四既不定。爲十何爽。

佛子。菩薩摩訶薩。如是安住不壞信時。於佛菩薩聲聞獨覺。若諸佛教。若諸衆生。如是等種種境界中。種諸善根。無量無邊。令菩提心轉更增長。慈悲廣大。平等觀察。隨順修學。諸佛所作。攝取一切清淨善根。入真實義。集福德行。行大惠施。修諸功德等觀三世。疏第二依信種善根中。二先種善根。後令菩提下。

60123456789

80

9

長菩薩道。有十句。初總餘別可知。

菩薩摩訶薩。以如是等善根功德。迴向一切智願。常見諸佛。親近善友。與諸菩薩同共止住。念一切智心。無暫捨受持佛教。勤加守護。教化成熟一切衆生。心常迴向出世之道。供養瞻侍一切法師。解了諸法。憶持不忘。修行大願。悉使滿足。

疏第二菩薩摩訶薩。以如是等善根下。明迴向行中。二先將善根迴向。後將勝報迴向。前中卽雙向衆生菩提。文中又二。初正明迴向。後菩薩如是積集下結成。今初先總明迴向菩提之果願。常下。

別明迴向成得果之因。文有十句。初三行緣。次二行因。後五所成之行。初成利他行。卽迴向衆生意。次三自利。後一通二利。鈔前中卽雙向等者。以初云迴向一切智。故是菩提。次下教化調伏一切衆生等。卽向衆生。故下疏云。卽迴向衆生意。

菩薩如是積集善根。成就善根。增長善根。思惟善根。繫念善根。分別善根。愛樂善根。修習善根。安住善根。疏一結成中九句。前三通顯收攝。亦是聞慧。一。積一至多。一令至究竟。二隨一使增。次四皆思慧。後二修慧。起行爲修習。相應爲安住。

60 1 2 3 4 5 6 7 8 9

10

80

1 2 3 4 5 6 7 8 9

菩薩摩訶薩如是積集諸善根已。以此善根所得依
果修菩薩行。

疏一菩薩摩訶薩如是積集諸善根已下。將勝報
迴向。謂依迴向得報復將迴向通向三處文中二。
先明所迴善根。二如是修習無量功德下顯迴向
行。今初又二。先結前生後。

於念念中見無量佛。如其所應承事供養。

疏後於念念下正明供佛善根於中又二。先總標
後以阿僧祇下廣顯。今初言如其所應者有二
義。一隨何所要。如應卽供。二稱佛境界所應之供

謂不以稱法界之供不能供稱法界之佛故。

以阿僧祇寶。阿僧祇華。阿僧祇鬘。阿僧祇衣。阿僧祇
蓋。阿僧祇幢。阿僧祇旛。阿僧祇莊嚴具。阿僧祇給侍
阿僧祇塗飾地。阿僧祇塗香。阿僧祇末香。阿僧祇和
香。阿僧祇燒香。阿僧祇深信。阿僧祇愛樂。阿僧祇淨
心。阿僧祇尊重。阿僧祇讚歎。阿僧祇禮敬。

疏一廣顯中四。一廣列供事。二明供佛。三顯供意。
四結分齊。今初廣列供事有六十七句爲六。初二
十句雜門。明內外之供下皆純門。

阿僧祇寶座。阿僧祇華座。阿僧祇香座。阿僧祇鬘座。

快述

華嚴疏錄卷二十四 王

阿僧祇旃檀座。阿僧祇衣座。阿僧祇金剛座。阿僧祇摩尼座。阿僧祇寶縉座。阿僧祇寶色座。

疏二座。

阿僧祇寶經行處。阿僧祇華經行處。阿僧祇香經行處。阿僧祇鬘經行處。阿僧祇衣經行處。阿僧祇寶間錯經行處。阿僧祇一切寶縉采經行處。阿僧祇一切寶多羅樹經行處。阿僧祇一切寶欄楯經行處。阿僧祇一切寶鈴網彌覆經行處。

疏三經行處。

阿僧祇一切寶宮殿。阿僧祇一切華宮殿。阿僧祇一

切香宮殿。阿僧祇一切鬘宮殿。阿僧祇一切栴檀宮殿。阿僧祇一切堅固妙香藏宮殿。阿僧祇一切金剛宮殿。阿僧祇一切摩尼宮殿。皆悉殊妙。出過諸天。

疏四宮殿。

阿僧祇諸雜寶樹。阿僧祇種種香樹。阿僧祇諸寶衣樹。阿僧祇諸音樂樹。阿僧祇寶莊嚴具樹。阿僧祇妙音聲樹。阿僧祇無厭寶樹。阿僧祇寶縉采樹。阿僧祇寶瓊樹。阿僧祇一切華香幢旛鬘蓋所嚴飾樹。如是等樹扶疎蔭映莊嚴宮殿。

疏五樹。

撰述

華嚴疏錄卷二十一

九

釋

其諸宮殿復有阿僧祇軒檻莊嚴。阿僧祇牕牖莊嚴。阿僧祇門闥莊嚴。阿僧祇樓閣莊嚴。阿僧祇半月莊嚴。阿僧祇帳莊嚴。阿僧祇金網彌覆其上。阿僧祇香周布普熏。阿僧祇衣敷布其地。

疏六嚴宮殿亦純雜無礙可知。

佛子。菩薩摩訶薩以如是等諸供養具於無量無數不可說不可說劫淨心尊重恭敬供養一切諸佛恒不退轉無有休息。

疏二佛子下明供佛中二先供現佛。

一一如來滅度之後所有舍利悉亦如是恭敬供養

疏後一一下明供舍利

爲令一切衆生生淨信故。一切衆生攝善根故。一切衆生離諸苦故。一切衆生廣大解故。一切衆生以大莊嚴而莊嚴故。無量莊嚴而莊嚴故。諸有所作得究竟故。知諸佛興難可值故。滿足如來無量力故。莊嚴供養佛塔廟故。住持一切諸佛法故。第三四句依今北藏定

疏三爲令一切下明供意有十一句可知。

如是供養現在諸佛及滅度後所有舍利其諸供養於阿僧祇劫說不可盡。

疏四如是供養現在下結供分齊謂非唯如上所

列故云不可盡。

如是修習無量功德。皆爲成熟一切衆生。無有退轉。無有休息。無有疲厭。

疏第二如是修習下顯廻向行中三初廻向之心。二廻向之相。三廻向行成前中有三。初不離大悲。兼廻向衆生之意。

無有執着。離諸心想。無有依止。永絕所依。遠離於我。及以我所。如實法印。印諸業門。得法無生。住佛所住。觀無生性。印諸境界。

疏次無有執着下離妄契真卽離相之意。

諸佛護念發心廻向。
疏後諸佛下結前生後。
與諸法性相應廻向。入無作法。成就所作方便廻向。捨離一切諸事想着。方便廻向。住於無量善巧廻向。永出一切諸有廻向。修行諸行。不住於相善巧廻向。普攝一切善根廻向。普淨一切菩薩諸行。廣大廻向。發無上菩提心廻向。與一切善根同住廻向。滿足最上信解心廻向。

疏一與諸法性下廻向之相。兼顯廻向菩提。於中有十一句。前六離相。後五隨相。

60 1 2 3 4 5 6 7 8 9

80

撰述

華嚴疏錄卷之十四

小

佛子。菩薩摩訶薩。以諸善根。如是迴向時。

疏二。佛子下。迴向行成於中三。初隨相行成二。以清淨下。離相行成三。菩薩如是善巧下。雙結二行無礙。今初有三。初牒前由前離相。非唯不礙隨相亦能成此隨相。鈔非唯不礙等者。不礙者。如空不礙萬象。能成者。如無水卽無可爲波。亦如無空不能生起雲霞煙霧。不礙卽相偏門。能成卽相成門。卽理成事。以有空義故。一切法得成也。

雖隨生死而不改變。求一切智。未曾退轉。在於諸有心無亂動。悉能度脫一切衆生。不染有爲法。不失無礙智。菩薩行位因緣無盡。世間諸法無能變動具足。清淨諸波羅蜜。悉能成就一切智力。

疏次雖隨下。正顯文有十句。一由前法性相應故。隨生死而不變。二以入無作成所作故。求一切智。未曾退轉。三由捨離想着。故諸有不動。四住多善巧。能度衆生。五永出諸有。故不染有爲。六修行不住相故。不失無礙智。七普攝善根故。因緣無盡。八普淨大願故。世法不動。九發菩提心故。具修諸度。十由善根同住故。具足十力。如次配上。鈔由前法性等者。正辨離相成隨相也。此句猶與法性相

應故。是離相故。法性卽是真如。真如隨緣。故能成事不失。不變故而不改。下九例然。細尋前十一一相對可知。

菩薩如是離諸癡暗。成菩提心。開示光明。增長淨法。廻向勝道。具足衆行。

疏後菩薩如是下結前生後。卽由前最上信解心生。

以清淨意。善能分別了一切法。悉隨心現。知業如幻。業報如像。諸行如化。因緣生法。悉皆如響。菩薩諸行。一切如影。出生無著。清淨法眼。見於無作廣大境界。證寂滅性。了法無二。得法實相。具菩薩行。於一切相。皆無所著。善能修行。同事諸業。於白淨法。恒無廢捨。離一切著。住無著行。

疏二明離相行成。由前事不礙理。故觸境了如。

鈔由前等者。前之十句。離相成於隨相者。由理不礙事故。今成離相。由前事不礙理。上總釋意。

疏於中初一句總了一切下別。別中初唯心觀成。次知業下。緣生無性觀成。次出生下。法眼了真。具菩薩下。妙行無著。亦如次配前。一了心性故。鈔亦如次配前者。從頭別釋。卽配前與諸法性相

撰述

華嚴疏錄卷二十一

十一

應迴向。入無作法。成就所作迴向等十句。而前隨相行成。舉前迴向離相爲能成。隨相爲所成。故前云由前法性相應。故隨生死流而不變等。今此則舉前隨相不礙。成此離相。若事礙理。不卽離故。近躡前事。亦遠躡前離相。謂由前迴向與法性相應。故今成了心性之行。

疏一業無作故。鈔一由前入無所作法。成就所作。故成此知業如幻等。

疏三不起想故。鈔二由前捨離一切諸事想着故。成此中出生無著清淨法眼等。

疏四行善巧故。鈔四由住於無量善巧故。成此具菩薩行。

疏五諸有緣生故。鈔五由前永出一切諸有故。成此於一切相皆無所著。

疏六行無住故。鈔六由前修行諸行不住於相故。成此善能修行同事諸業。

疏七普攝無著故。鈔七由前普攝一切善根故。成此於白淨法恒無廢捨。

疏八諸行廣大故。鈔八由前普淨一切菩薩諸行廣大迴向故。成此離一切著。

撰述

華嚴疏金卷一十四

疏九了菩提性無有二。唯一實故。鈔九由前發無上菩提心故成此離一切著。此句難解。故疏云了菩提性無有二。唯—實故。

疏十由與善根同住故能具菩薩行。鈔十由前與一切善根同住故。住無著行。

疏十一由最上信解故。於無漏白法無有廢捨。若通由前則易可知。鈔十一由最上信解等。卽前第十一句。此中對前文小不次而白淨法兩重用之。第七已用故。

菩薩如是善巧思惟。無有迷惑。不違諸法。不壞業因。

明見真實善巧迴向。知法自性。以方便力。成就業報。到於彼岸。智慧觀察。一切諸法。獲神通智。諸業善根無作。而行隨心自在。

疏三雙結一行無礙以成迴向中。初總明不迷理惑事故。名善巧思惟。後不違下別。皆事理無礙可知。

菩薩摩訶薩。以諸善根。如是迴向爲欲度脫一切衆生。不斷佛種。永離魔業。見一切智無有邊際。信樂不捨。離世境界。斷諸雜染。亦願衆生得清淨智。入深方便。出生死法獲佛善根。永斷一切諸魔事業。以平等

撰述

華嚴疏錄卷二十四

釋

印。普印諸業。發心趣入一切種智。成就一切出世間法。

疏第三。菩薩摩訶薩以諸善根如是廻向下廻向所爲初句。總明後不斷下別顯於中前離魔業通一切惡後魔事業通一切相。但違法印皆魔事故故下釋云。以平等印。普印諸業。則離魔也。餘句可知。

佛子。是爲菩薩摩訶薩第二不壞廻向。

菩薩摩訶薩住此廻向時。得見一切無數諸佛。成就無量清淨妙法。普於衆生得平等心。於一切法無有

疑惑。一切諸佛神力所加。降伏衆魔。永離其業。成就生貴滿菩提心得無礙智。不由他解。善能開闡一切法義。能隨想力。入一切刹。普照衆生。悉使清淨。菩薩摩訶薩以此不壞廻向之力。攝諸善根如是廻向。

疏第二位果亦如十地調柔等果。文中初牒得時次得見下。正辯果相後菩薩下總結所屬。

爾時金剛幢菩薩觀察十方。承佛神力。卽說頌言。

菩薩已得不壞意修行。一切諸善業。是故能令佛歡喜。智者以此而廻向。

供養無量無邊佛布施持戒伏諸根爲欲利益諸衆

生普使一切皆清淨。

疏第二偈頌二十五偈分三初一頌所迴善根及第一節迴向次十八偈頌所成供行復將迴向後五偈頌迴向所爲。

一切上妙諸香華無量差別勝衣服寶蓋及以莊嚴具供養一切諸如來。

如是供養於諸佛無量無數難思劫恭敬尊重常歡喜未曾一念生疲厭。

專心想念於諸佛一切世間大明燈十方所有諸如來靡不現前如目覩。

不可思議無量劫種種布施心無厭百千萬億衆劫中修諸善法悉如是。

彼諸如來滅度已供養舍利無厭足悉以種種妙莊嚴建立難思衆塔廟造立無等最勝形寶藏淨金爲莊嚴巍巍高大如山王其數無量百千億。

淨心尊重供養已復生歡喜利益意不思議劫處世間救護衆生令解脫。

了知衆生皆妄想於彼一切無分別而能善別衆生根普爲羣生作饒益。

疏二中亦二前八頌所迴善根。

菩薩修習諸功德廣大最勝無與比了達體性悉非有如是決定皆迴向。

以最勝智觀諸法其中無有一法生如是方便修迴向功德無量不可盡。

以是方便令心淨悉與一切如來等此方便力不可盡是故福報無盡極。

發起無上菩提心一切世間無所依普至十方諸世界而於一切無所礙。

疏後十頌迴向之行文中三初四頌迴向之心。

一切如來出世間爲欲啓導衆生心如其心性而觀察畢竟推求不可得。

一切諸法無有餘悉入於如無體性以是淨眼而迴向開彼世間生死獄。

疏次二頌迴向之相。

雖今諸有悉清淨亦不分別於諸有知諸有性無所有而令歡喜意清淨。

於一佛土無所依一切佛土悉如是亦不染著有爲法知彼法性無依處。

以是修成一切智以是無上智莊嚴以是諸佛皆歡

喜是爲菩薩迴向業。

菩薩專心念諸佛無上智慧巧方便。如佛一切無所依願我修成此功德。

疏後四頌迴向行成。

專心救護於一切。令其遠離衆惡業。如是饒益諸羣生。繫念思惟未曾捨。

住於智地守護法。不以餘乘取涅槃。唯願得佛無上道。菩薩如是善迴向。不取衆生所言說。一切有爲虛妄事。雖復不依言語道。亦復不著無言說。

十方所有諸如來了達諸法無有餘。雖知一切皆空寂。而不於空起心念。

以一莊嚴嚴一切。亦不於法生分別。如是開悟諸羣生。一切無性無所觀。

疏頌迴向所爲可知。

佛子云何爲菩薩摩訶薩等一切佛迴向。

疏第三等一切佛迴向長行亦二先位行後位果。前中亦三。初標名者若準次文但等三世諸佛迴向之道。準下亦等善根。故文云如過去佛所行一切善根。我亦如是。故本業亦云三世諸佛善。一切

60 1 2 3 4 5 6 7 8 9

80

時行兼顯無間故下文云與妻子俱未曾贊捨苦
提之心此從所等立名卽等一切佛之廻向以深
入法性行普門善而爲其性鈔兼顯無間者上
引本業但證等善根以云一切時行故云無間此
從所等下結得名從以深入下出體性

佛子此菩薩摩訶薩隨順修學去來現在諸佛世尊

廻向之道

疏一依徵廣釋中二先總標舉卽釋名也

如是修學廻向道時見一切色乃至觸法若美若惡
不生愛憎心得自在無諸過失廣大清淨歡喜悅樂

離諸憂惱心意柔軟諸根清涼

疏後如是下廣釋亦二先顯廻向後明成益前中
又二先等隨相後等離相前中復二先明對境善
根以將廻向後總攝萬善以將廻向前中又二初
所廻善根後佛子下正顯廻向今初謂學佛修
時於六境違順成四淨心一於順違成就行捨不
爲境牽名心自在二異於凡小以悲智廣大淨諸
惑故三離憂過故有喜樂捨無憂苦惱四禪定輕
安故心意柔軟不妄取境故諸根清涼

佛子菩薩摩訶薩獲得如是安樂之時復更發心廻

向諸佛作如是念。

疏第二正廻向中。廻向五乘之境。文分五段。一佛二菩薩三有善衆生四二乘五有惡衆生。初中二先牒前起後。

願以我今所種善根。令諸佛樂轉更增勝。所謂不可思議佛所住樂無有等比。佛三昧樂不可限量。大慈悲樂。一切諸佛解脫之樂無有邊際。大神通樂最極尊重。大自在樂廣大究竟無量力樂離諸知覺寂靜之樂住無礙住恒正定樂行無二行不變異樂。

疏後願以我下正顯所願初總願樂增然佛德已

圓今願增者尊重荷恩展誠敬故亦猶獻芹於上香華奉佛非彼須待。鈔然佛德已圓下顯文意亦是通難先出難從尊重荷恩下釋亦猶獻芹者卽外典中事野老美之而獻於君君豈美之疏所謂下別文有十句初句尊九亦是總句具下諸住故由此名不思議二卽天住謂海印等三卽梵住四卽聖住謂無邊解脫等五種類俱生無作行通。鈔卽天住等者智論云天住謂四禪聖住謂三解脫梵住謂四無量皆通三乘今皆約一乘果位故皆無量五種類等者卽三種意生身中第

三從十地得至佛亦同。但增勝耳。而非生死。但取變化身耳。三種之義。第六廻向當辨。

疏六十自在樂。或八自在。我者。鈔或八自在。我者。卽涅槃二十三經云。一能示一身以爲多身等。二示一塵身滿三千界。三能以滿三千界身飛舉過二十恒河沙等世界。而無障礙。四心自在故。而得自在。云何自在。如來一心安住不動。身化無量類形等。五根自在。一根見色聞聲等。六以自在故。得一切法謂無得而得等。

疏七智用無邊。鈔七說自在故。謂說一偈義經

無量劫等。

疏八離覺圓寂。鈔八如來徧滿一切諸處。猶如虛空之性不可得見。廣釋如彼。皆明無得無作。而有所成。故云自在。今但畧列而已。

疏九大用恒湛。十一行永亡。鈔二行永亡者。卽上二十一種功德第一已如前辯。

佛子。菩薩摩訶薩。以諸善根廻向佛已。復以此善根廻向菩薩。

疏一佛子下。廻向菩薩亦二初結前生後。

所謂願未滿者。令得圓滿。心未淨者。令得清淨。諸波

羅蜜未滿足者令得滿足。安住金剛菩提之心於一切智得不退轉。不捨大精進。守護菩提門。一切善根疏後所謂下正顯有十。前六自行後四利他。前中通有三義。一通相辯隨願行等而滿故。二究竟滿故。三從次滿。鈔三從次滿者此義該下諸句。卽次第滿義。

疏初信中隨緣之願如淨行品。一淨十住解心故晉經云。未淨直心者三成十行四成十向。故菩薩戒名十金剛。五得初地已上證不退故六得八地已上無功用行。名大精進任運了一切法。名護菩

提門善根。鈔初句信滿。二十住滿故晉經云。未淨直心證成此句是住義。十住直心增故。故云心未得淨者令得清淨。

能令衆生捨離我慢發菩提心所願成滿。安住一切菩薩所在。獲得菩薩明利諸根修習善根證薩婆若疏後四利他中初令證發心離二我故三徧安諸地三通得地中之德四令證佛果。佛子菩薩摩訶薩以諸善根如是廻向菩薩已復以廻向一切衆生願一切衆生所有善根乃至極少。一彈指頃見佛聞法恭敬聖僧彼諸善根皆離障礙念

60 1 2 3 4 5 6 7 8 9

10

80

1 2 3 4 5 6 7 8 9

佛圓滿念法方便。念佛尊重。不離見佛。心得清淨。獲諸佛法集無量德。淨諸神通。捨法疑念。依教而住。
疏二佛子下。迴向有善衆生。亦是迷真實義。愚衆生有於少善。但爲求有處人天乘。今令住佛乘。以成十益。初二令念三寶。次二念已成德。後三由德成益。各如次配。佛法僧寶。念佛三昧。能發通故。鈔各如次配者。如云不離見佛。卽由前念佛圓滿所成等淨諸神通。卽是常見佛益。由此句似隱。故疏釋云念佛三昧能發通故。

如爲衆生。如是迴向爲聲聞辟支佛迴向。亦復如是。

疏四如爲下。迴向二乘。然衆生於佛法易反復。故先迴向之。二乘終竟迴心。故亦不捨例前成益。鈔於佛法易反復者。卽淨名第二。凡夫於佛法有反復而聲聞無也。以聲聞斷結故。下云終竟迴心。揀異定性下當廣引。

又願一切衆生永離地獄餓鬼畜生閻羅王等一切惡處。增長無上菩提之心。專意勤求一切種智。永不毀謗諸佛正法。得佛安樂。身心清淨。證一切智。

疏五又願下爲於有惡。謂不遺闡提。亦是迷異熟愚衆生。不見苦果。故初令離苦果。成因善後永不

60 1 2 3 4 5 6 7 8 9

10

80

1 2 3 4 5 6 7 8 9

下。令離惡因成當果。鈔亦是迷異熟愚衆生者。對前迷勝義愚亦如前釋。

疏上來五段初一迴向菩提餘四迴向衆生。

佛子菩薩摩訶薩所有善根皆以大願發起正發起積集正積集增長正增長悉令廣大具足充滿。

疏第二佛子菩薩摩訶薩所有善根下總攝萬善迴向中二先總顯其相後佛子下歷事別陳今初所有善根卽所發起等也皆以大願卽能發起等也別有三句一未生善根以大願方便發起令生故晉經以發起爲行二亦以大願積集令多三

隨已生善一一增勝令充佛地而皆有重句云正發起等者謂隨發起積集增進必向三處不餘趣求離諸過失名之爲正悉令已下總結成益由正發等故令稱悲智故名廣大由發起積集故諸善具足由增長故一一充滿法界等於如來無善不爾故云悉令而晉經譯正爲等以梵本云三通正及等然等有二義一者等佛謂以菩薩之行等佛之行二者等餘謂以一行等餘諸行然古德將爲結上雖穿鑿非一並未會下文若以等爲平等與正相近亦攝義不周並非今用鈔然古德等者

60 1 2 3 4 5 6 7 8 9

80

9

賢首云二結歎相光統云此結上三道究竟之義行等行者結樂與佛成證道行積聚等積聚者結法與菩薩成助道行長養等長養者結與衆生成不住道遠公云證心遊理名行一備一切名等行助道漸滿名爲積聚一一行中具一切行名等積聚不住漸增名爲長養一一門中各攝一切名等長養範法師云但起一行名之爲行總衆多行名爲積聚增進勝前名爲長養猶是前行異名顯耳菩薩所行行旣無量不可備舉但等言之故皆云等也正法師云善根等者施等善也以大願攝取者願大故行大也行者一利也等行者等行一切行也積聚者積行成德也等積聚者成一切德也長養者從行生行也等長養者生一切行也辨法師云行者是佛於願樂位中所行菩薩以大願攝同彼行故云等行積聚者是佛功用位修積聚菩薩同修名等長養是故上云如佛廻向開化一切菩薩廻向亦復如是此之謂也賢首云今更釋菩薩所有善根皆以大願廻向力故令此善根攝成勝行諸行齊行故云等行又由願力攝此善根所成

60 1 2 3 4 5 6 7 8 9

80

諸行令不散失故云積聚有行斯積故云等積聚又由願力攝此善根所積衆行復生諸行名爲長養一一行中生一切諸行名等長養是故皆由願力令此善根皆悉廣大具足充滿也靜法云釋行及積集增長義則無違而以等字勝正謂取等佛之義則不見正字之意又亦同古以爲結前故俱非也所以疏云雖穿鑿非一並未會下文下文積集增長皆有文故若以等爲平等者但得迴向實際意耳向餘二處及離過等皆不具也

佛子菩薩摩訶薩在家宅中與妻子俱未曾暫捨菩

提之心正念思惟薩婆若境自度度彼令得究竟以善方便化已眷屬令人菩薩智令成熟解脫雖與同止心無所著以本大悲處於居家以慈心故隨順妻子於菩薩清淨道無所障礙

疏第二歷事別陳諸善非一畧舉一兩以顯隨緣攝善皆成迴向文中二初顯增長迴向通在二處前段亦是大悲隨順後段以明大悲深重此約善根若據迴向前明迴向菩提爲衆生故後迴向衆生令得菩提皆是綺互欲顯一時迴向三處耳鈔

60 1 2 3 4 5 6 7 8 9

10

80

1 2 3 4 5 6 7 8 9

前段等者此中通有三意一約所迴善根卽如向科此下第二能迴悲願三從若據迴向下約所迴向皆是綺互者正是迴向綺互向佛亦向生故故云一時迴向三處一兼明上大悲隨順及大悲深重亦是綺互綺互亦是影畧

疏今初增長中分一先別明後菩薩如是下總結前中三初明隨染無汙迴向以慈故隨染以智故居清淨道念薩婆若

菩薩摩訶薩雖在居家作諸事業未曾暫捨一切智心所謂若著衣裳若噉滋味若服湯藥澡漱塗摩迴旋顧視行住坐卧身語意業若曠若寤如是一切諸有所作心常迴向薩婆若道繫念思惟無時捨離疏一菩薩摩訶薩下動與道合迴向徧而無間爲欲饒益一切衆生安住菩提無量大願攝取無數廣大善根勤修諸善普救一切

疏二爲欲下總顯迴向之相正顯前文大願發起增長之義文中一先總明初句標意安住下卽能發起願攝取下所起所增善根普救一切卽結成正義

永離一切嬌慢放逸決定趣於一切智地終不發意

60 1 2 3 4 5 6 7 8 9

10

80

1

2

3

4

5

6

7

8

9

向於餘道常觀一切諸佛菩提。永捨一切諸雜染法。修行一切菩薩所學於一切智道無所障礙。住於智地。憂樂誦習以無量智集諸善根心不戀樂一切世間亦不染著所行之行專心受持諸佛教法。

疏一永離下別顯文有十句。一離惑故。二正趣向故。三不取餘道故。四正觀故。五捨離染故。六具修因故。七於菩提因捨二障故。八持誦智地九以智習善十不染世行受出世法十皆自德能向菩提若以上普救一切貫之則十皆爲生令得此善。鈔謂離惑故者卽永離一切憍慢放逸放逸衆惑。

之根憍爲染法所依慢能長淪生死故離此一諸惑皆離餘可思準。

菩薩如是處在居家普攝善根令其增長迴向諸佛無上菩提。

疏二總結中以此文證釋增長義理甚分明。

佛子菩薩爾時乃至施與畜生之食一搏一粒。

疏第二明積集迴向中二初別明後菩薩摩訶薩如是下總結前中二初明微細積集後菩薩初發下長時積集前中亦二先明所積善根下至二搏一粒其福至微施與畜生其田至劣積此微善。

亦以大願令正發起成廻向行。

咸作是願當令此等捨畜生道利益安樂究竟解脫永度苦海永滅苦受永除苦蘊永斷苦覺苦聚苦行苦因苦本及諸苦處願彼衆生皆得捨離菩薩如是專心繫念一切衆生以彼善根而爲上首爲其廻向一切種智。

疏二咸作下明廻向行先總明離苦得樂次永度已下別彰離苦文有十句初總顯深廣次八別明苦相受卽苦之自性蘊卽苦依謂五盛陰苦覺謂苦相亦攝冤會愛離等覺聚謂生老病死三苦八

苦行卽罪業因卽諸惑本卽貪欲處卽三塗乃至變易所依皆得捨離通後五句後菩薩如是下總結令得菩提鈔初總顯深廣者爲苦海故餘可思準本卽貪欲者法華第二云諸苦所因貪欲爲本。

菩薩初發菩提之心普攝衆生修諸善根悉以廻向欲令永離生死曠野得諸如來無礙快樂出煩惱海修佛法道慈心徧滿悲力廣大普使一切得清淨樂守護善根親近佛法出魔境界入佛境界斷世間種植如來種住於三世平等法中。

疏第二長時積集者。從初發心卽積集故文中二先總標善根廻向後欲令下明廻向意。卽是廻向之相以欲令之言是心願故文有十三句。前十二爲六對得隨相益後一句入平等理益前中一離苦果得滅樂二出集因修正道二具悲智成上修道四護善近佛則出煩惱海餘一對共成初對。菩薩摩訶薩如是所有已集當集現集善根悉以廻向。

疏第二總結中一搏一粒等卽現集也初發心來卽已集也當集之善雖則未起願力逆要起必任運注向三處况依此教九世圓融。

復作是念如過去諸佛菩薩所行恭敬供養一切諸佛度諸衆生令永出離勤加修習一切善根悉以廻向而無所著。

疏第二復作是念如過去下等佛離相廻向者卽向實際統於前二說有前後行在一心文中二初等過去後佛子下等於現未前中二先舉所等後如彼下顯於能等前中三初標隨相卽有離相故未句云而無所著次所謂下別顯離相之相三如是深入下結其無礙。

60 1 2 3 4 5 6 7 8 9

80 1 2 3 4 5 6 7 8 9

所謂不依色不著受無倒想不作行不取識捨離六處不住世法樂出世間。

疏二中先離妄契止初蘊次處不住世法卽十八界有根境識是世間設不依不著卽是出世知一切法皆如虛空無所從來不生不滅無有真實無所染著遠離一切諸分別見不動不轉不失不壞住於實際無相離相唯是一相

疏後知一切下釋前不著所以不著者由見實成觀故初句是喻無所從下文合法喻但觀所喻能喻可知皆由從緣無性故無來等五句展轉相釋

故上文云一切法無來是故無有生等遠離已下結其成觀心無分別故寂然不動外緣不轉不失於照不壞於止故與實際相應實際謂何卽是無相何名無相體離十相唯是一相一相謂何卽是無相又無相約理本自無故離相約智離取相故唯是一相心境冥故鈔一切法無來等者此上半以無來釋無生而言等者等取下半云以生無有故滅亦不可得此以無生釋無滅也不滅故無有真實有實則有可滅故無實故無染譬如雲霧不能染空故云五句展轉相釋何名無相等者涅槃述

撰述

華嚴疏金卷二十一

槃三十二云。大般涅槃。名爲無相。師子吼問何名。無相善男子。無十相故。何等爲十。所謂色相聲相。香相味相觸相。生住壞相。男相女相。是名十相。無如是相。故名無相。又無相約理下。上之四義。展轉相承。唯明一體。此下分能所證。以爲無相離相。能如是相合。以爲一相。則實際爲總。下三別明。

如是深入一切法性。常樂習行普門善根。悉見一切諸佛衆會。

疏三結無礙者。既稱法性修隨相故。一攝一切。名普門善。悉見諸佛畧辨成益。

如彼過去一切如來善根廻向。我亦如是。而爲廻向。

疏一顯能等中二先牒所等總顯能等。

解如是法。證如是法。依如是法。發心修習。不違法相。知所修行。如幻如影。如水中月。如鏡中像。因緣和合之所顯現。乃至如來究竟之地。

疏二解如是下別顯等相初二句願等佛解證次一句依之修行。不違已下。顯修行相。至究竟地。卽是修果。

佛子。菩薩摩訶薩復作是念。如過去諸佛修菩薩行時。以諸善根如是廻向。未來現在。悉亦如是。

撰述

華嚴疏錄卷一

十四

三

疏第二等現未中分三初牒所等卽舉過去例於現未。

我今亦應如彼諸佛。如是發心。以諸善根。而爲迴向。疏次我今下總顯能等。

第一迴向勝迴向最勝迴向上迴向無上迴向無等迴向無等等迴向無比迴向無對迴向尊迴向妙迴向平等迴向正直迴向大功德迴向廣大迴向善迴向清淨迴向離惡迴向不隨惡迴向。

疏三第一下別明等相通能所等前過去章中已廣顯離相今此文內直歎殊勝義存影畧不欲繁

文有十九句晉經具二十句謂廣大下有明淨迴向今譯謂同清淨故闕此一於中初九形對辨勝初總明晉出故名第一二越凡小故三超因位故四獨出故五無加過故六無與齊故七准至極無二者可齊等故八無匹故九無敵故後十約自體顯勝一尊可貴重故一妙者言思不及故三稱理無差故四不餘趣向故五攝德故六周法界故舊云大願七離無記故八離垢染故九自無惡行故十不隨惡緣故上來正顯迴向竟

菩薩如是以諸善根正迴向已成就清淨身語意業

[撰述]

華嚴經疏卷二十一

三

三

住菩薩住無諸過失修習善業離身語惡心無瑕穢修一切智住廣大心知一切法無有所作住出世法世法不染分別了知無量諸業成就迴向善巧方便永拔一切取著根本。

疏第二明迴向成益文顯可知。

佛子是爲菩薩摩訶薩第三等一切佛迴向。菩薩摩訶薩住此迴向深入一切諸如來業。趣向如來勝妙功德入深清淨智慧境界不離一切諸菩薩業善能分別巧妙方便入深法界善知菩薩修行次第入佛種性以巧方便分別了知無量無邊一切諸

法雖復現身於世中生而於世法心無所著。

疏第二位果畧辨十種勝德一因修佛業以等佛迴向故迴向衆生是佛業故又如離世間品十種佛業一趣佛果德向菩提故三智入深理向實際故餘可知大鈔又如離世者卽五十八經云所謂隨時開導是佛業令正修行故夢中令見是佛業覺昔善根故爲他演說所未聞經是佛業令生智斷疑故等恐繁且止。

爾時金剛幢菩薩承佛神力普觀十方卽說頌言彼諸菩薩摩訶薩修過去佛迴向法亦學未來現在

60 1 2 3 4 5 6 7 8 9

70

80

90

80 1 2 3 4 5 6 7 8 9

世一切導師之所行。

疏第二偈頌二十四偈分三初二十頌頌前位行次一位果後一結歎前中一。初一頌總標釋名。

於諸境界得安樂。諸佛如來所稱讚廣大光明清淨眼悉以廻向大聰哲。

菩薩身根種種樂。眼耳鼻舌亦復然。如是無量上妙樂悉以廻向諸最勝。

疏後二十偈頌上廣釋亦一无十九頌。正明廻向後一頌成益。前中隨相離相雙頌。文中亦一初六

頌對境所生善根廻向於中初二偈頌所廻善根兼廻向佛樂。

一切世間衆善法。及諸如來所成就於彼悉攝無有餘盡以隨喜益衆生。

世間隨喜無量種。今此廻向爲衆生。人中師子所有樂願使羣萌悉圓滿。

一切國土諸如來。凡所知見種種樂。願令衆生皆悉得而爲照世大明燈。

菩薩所得勝妙樂。悉以廻向諸羣生。雖爲羣生故廻向。而於廻向無所著。

60 1 2 3 4 5 6 7 8 9

70

80

90

撰述

華嚴疏錄卷二十一

露

疏後四頌迴向衆生令得佛安樂。

菩薩修行此迴向興起無量大悲心。如佛所修迴向德願我修行悉成滿。

如諸最勝所成就。一切智乘微妙樂。及我在世之所行諸菩薩行無量樂。

示入衆趣安隱樂。恒守諸根寂靜樂。悉以迴向諸羣生。普使修成無上智。非身語意即是業。亦不離此而別有。但以方便滅癡冥。如是修成無上智。

疏二有十三偈頌總攝萬善迴向分三。初四頌增

長迴向

菩薩所修諸行業積集無量勝功德。隨順如來生佛家。寂然不亂正迴向。

十方一切諸世界所有衆生成攝受。悉以善根迴向。彼願令具足安隱樂。

不爲自身求利益。欲令一切悉安樂。未曾暫起戲論心。但觀諸法空無我。

疏二有三偈頌積集迴向。

十方無量諸最勝所見。一切真佛子。悉以善根迴向。彼願使速成無上覺。

一切世間含識類等心攝取無有餘以我所行諸善業令彼衆生速成佛。

無量無邊諸大願無上導師所演說願諸佛子皆清淨隨其心樂悉成滿。

普觀十方諸世界悉以功德施於彼願令皆具妙莊嚴菩薩如是學迴向。

疏三十六偈却頌上對境善根迴向菩薩迴文前却初四隨相。

心不稱量諸一法但恒了達法無二諸法若一若不二於中畢竟無所著。

十方一切諸世間悉是衆生想分別於想非想無所得如是了達於諸想。

疏後二離相於中初偈達法際一與不一相待皆寂後偈了妄源以想遣境盡想亡非想遣想相待俱寂寂而常照方名了想。

彼諸菩薩身淨已則意清淨無瑕穢語業已淨無諸過當知意淨無所著。

疏頌成益。

一心正念過去佛亦憶未來諸導師及以現在天人尊悉學於其所說法。

60 1 2 3 4 5 6 7 8 9

10

80

1 2 3 4 5 6 7 8 9

撰述

聖嚴房金言卷之十四

三

三世一切諸如來。智慧明達心無礙。爲欲利益衆生故。廻向菩提集衆業。

疏頌位果。

彼第一慧廣大慧。不虛妄慧無倒慧。平等實慧清淨慧。最勝慧者如是說。

疏結歎可知。

佛子云何爲菩薩摩訶薩至一切處廻向。

疏第四至一切處廻向長行亦一先位行後位果。前中亦二謂牒釋結今初牒名徵起至是能至善根。及其供具一切處卽所至供境謂以大願令此

善根供具徧至一切時處隨所應供供諸福田。本業云以大願力入一切佛國中供養一切佛故然準下文若因果皆至一切畧舉十事一法身至一切處。如來藏身普周徧故一法身至故智身至三智身至故大願至四大願至故供具善根至五則見佛聽聞至六則現身開悟至七則無來無去至八則不出一毛孔而能至九則一身一毛等一切身毛至十則一念等一切劫至若尅陳別體則以供佛善根及勝解心爲體通則該於法界鈔謂以大願下總示其相文有三節兩重能所一大

願爲能生。二善根等是所生。上二皆能至。三一切處是所至。然準下文下總明能至有其十種。前四展轉以爲能生。從第五已去。通由上四令此六種皆悉能至。五六約事至。七約理。八事理無礙。九事事無礙。上晉約法十卽約時。

佛子。此菩薩摩訶薩修習一切諸善根時。作是念言。願此善根功德之力。至一切處。

疏第一依徵廣釋中三初迴向衆生菩提。二迴向實際。三結歎成益。前中二初畧明後廣顯。前中三謂法喻合。法中謂以願力及善根力。此二相資。

故能徧至。

譬如實際無處不至。至一切物。至一切世間。至一切衆生。至一切國土。至一切法。至一切虛空。至一切三世。至一切有爲無爲。至一切語言音聲。

疏次譬如下喻况中。實際者卽一切法真實之際。故無不在。一切物者。謂凡是有形。故晉經中名一切有餘。並可知。此與如相及法界迴向有差別者。此據善根迴向成供具。至一切處。第八約善根迴向。同如體相業用。第十約所迴向行廣多無量。故無濫也。

願此善根。亦復如是。徧至一切諸如來所。供養二世。一切諸佛。

疏第二。願此善根下。以法合中先總。

過去諸佛所願悉滿。未來諸佛具足莊嚴。現在諸佛。及其國土道場衆會。徧滿一切虛空法界。

疏後過去下別明。於中一先舉二世。合所至處。能事已畢。過云願滿修因已圓。未云具足現成正化。故云國土道場。

願以信解大威力故。廣大智慧無障礙故。一切善根悉迴向故。以如諸天諸供養具而爲供養。充滿無量

無邊世界。

疏後願以信下。明能至供。於中先成供因。因有三種。一以勝解。則隨心轉變。一以大智了無障礙。二以善根迴向。稱願而成。以如諸下辨所成供可知。佛子。菩薩摩訶薩。復作是念。諸佛世尊普徧一切虛空法界。種種業所起。十方不可說一切世界。種世界。不可說佛國土佛境界。種種世界。無量世界。無分齊。世界。轉世界。側世界。仰世界。覆世界。

疏第一。佛子。菩薩摩訶薩。復作是念下。廣明。於中二。先約十方佛明其徧至。後約常住佛明其徧至。

60 1 2 3 4 5 6 7 8 9

70

80

9

前中分三。初總明供處。一如是一切下別明供養。
三以此善根下通顯廻向之心。今初先約處顯
多。次種種業所起。約因顯多。十方已下。約數顯多。
種種世界。約形類顯多。義通受用及變化土。
如是一切諸世界。現住於壽。不現種種神通變化。

疏一別明供養中。初供現在佛後若佛形像下。
供住持佛。前中二先所供田後佛子下。明能供行。

前中二。初實報田。

彼有菩薩以勝解力爲諸衆生堪受化者。於彼一切
諸世界中。現爲如來出興於世。以至一切處智普偏

開示如來無量自在神力法身徧往無有差別平等。
普入一切法界。如來藏身。不生不滅。善巧方便。普現
世間。證法實性。超一切故。得不退轉。無礙力故。生於
如來無障礙見廣大威德種性中故。

疏一彼有下辨權應田於中三初現身次說法言
以至一切處智者意明今此位菩薩亦能爾也。此
卽本下迹高。若佛爲菩薩。則本高迹下。或俱高俱
下。因果交徹思之。鈔或俱高俱下者畧成四句。
佛化爲佛本迹俱高。菩薩化爲菩薩本迹俱下。就
菩薩中以位相望。亦有高下可知。

疏三法身下。釋權佛所由初之三句顯與果佛平等同性起故。一得法性身同徧往故。二等有智身入法界故。三普賢自體如來藏身不生滅故。由上三義故能善巧普現世間。若爾衆生豈無如來藏身。故下三句復釋成前義。一證法實故得同法身。二有無礙智力故。普入法界三佛種中生故。得如來藏身之用。謂絕二障。權實無礙是如來見廣大威德是如來用。菩薩隨順悟入是生彼種性之中。故出現品云。若得聞此如來無量不思議無障礙智慧法門。聞已信解隨順悟入當知此人生如來家廣如彼說得斯後三因位尚卽爲果。況應現耶。上亦供行所因。鈔上亦供行所因者。卽上釋權化所由以如來藏等力故。令供行至故爲所因。佛子菩薩摩訶薩以其所種一切善根願於如是諸如來所以衆妙華及衆妙香。鬘盞幢旛衣服燈燭。及餘一切諸莊嚴具以爲供養。若佛形像若佛塔廟悉亦如是。

疏二明供行及供住持佛等文並可知。以此善根如是廻向所謂不亂廻向一心廻向。自意廻向。尊敬廻向。不動廻向。無住廻向。無依廻向。無衆

60 1 2 3 4 5 6 7 8 9

80

生心廻向。無躁競心廻向。寂靜心廻向。

疏三通顯廻向之心中。初句總牒善根廻向。後所謂下別顯行相。謂前以善根廻向成供。供諸田時。如是用心。文有十句。一不生妄念。二專注正境。三不由他悟。四於田殷重。五違順不動。六不住於法。七不依於境。八知我空。九心行安審。十正順涅槃。復作是念。盡法界虛空界。去來現在一切劫中。諸佛世尊得一切智。成菩提道。無量名字。各各差別。於種種時。現成正覺。悉皆住壽盡未來際。一一各以法界莊嚴。而嚴其身。道場衆會。周徧法界。一切國土。隨時

出興。而作佛事。

疏第二。約常住佛明徧至者。謂二世住壽盡未來際。應亦常也。二身十身。融無礙故。不同前文有塔廟等。文中又有二。初以善根廻向供佛。二願令一切下。以供佛善廻向衆生。二譬如下。總願善根普攝廻向。初中二先所供境。後如是一切下。顯能供行種種時下。明應現成佛。卽有始應。乃無終故。皆住壽盡未來際。真應無二。故一一各以法界莊嚴。王

60 1 2 3 4 5 6 7 8 9

10

80

1 2 3 4 5 6 7 8 9

件圓通。故道場衆會。皆周法界。出非在我。故曰隨時興必利生。名作佛事。鈔三身十身融故者。出應亦常所以。若法相說。應雖名常。是不斷常。今法性宗同是一常。若別說者。法身無始無終。報身有始無終。化身有始有終。今化卽法故。卽無始終。況報同法。亦無有始。十身融義。居然可知。

如是一切諸佛如來。我以善根。普皆迴向。
疏一顯能供行中三初結前生後一願以下。所成供具三以如是下結成供行。

願以無數香蓋。無數香幢。無數香旛。無數香帳。無數

香網。無數香像。無數香光。無數香燄。無數香雲。無數香座。無數香經行地。無數香所住處。無數香世界。無數香山。無數香海。無數香河。無數香樹。無數香衣服。無數香蓮華。無數香宮殿。

疏二中二初以香爲益等二十事。

無量華蓋廣說乃至無量華宮殿。無邊鬢蓋廣說乃至無邊鬢宮殿無等塗香蓋廣說乃至無等塗香宮殿。不可數末香蓋廣說乃至不可數末香宮殿。不可稱衣蓋廣說乃至不可思寶宮殿。不可思寶蓋廣說乃至不可思寶宮殿。不可思燈光明蓋廣說乃至不

60 1 2 3 4 5 6 7 8 9

10

80

1 2 3 4 5 6 7 8 9

可量燈光明宮殿不可說莊嚴具益廣說乃至不可說莊嚴具宮殿不可說不可說摩尼寶益不可說不可說摩尼寶幢如是摩尼寶幡摩尼寶帳摩尼寶網摩尼寶像摩尼寶光摩尼寶燄摩尼寶雲摩尼寶座摩尼寶經行地摩尼寶所住處摩尼寶刹摩尼寶山摩尼寶海摩尼寶河摩尼寶樹摩尼寶衣服摩尼寶蓮華摩尼寶宮殿皆不可說不可說

疏次無量華蓋下以華鬘等九例於前香各具二十香等離益等更無別體故有二百鈔香等離益等者如初以香等爲二十事但有二十無二十以香徧二十故如刻栴檀爲二十事宣別有栴檀後花等九事各爲二十亦然如是一諸境界中各有無數欄楯無數宮殿無數樓閣無數門闥無數半月無數却敵無數臘牖無數清淨寶無數莊嚴具

疏後如是一一下隨彼益幢等中若總相說皆有楯等九事成一千八百并前本門總有二千是則香等成益等益等有楯等從無數無量如是漸增且至不可說理實皆等法界難可稱也然一諸言定通香等不全通於益等以衣及光明何有門

60 1 2 3 4 5 6 7 8 9

10

80

1 2 3 4 5 6 7 8 9

闡樓閣等耶。是則都數未必二千。但通相言。一一諸境界也。鈔如是一一下釋此第三段疏文有三初正釋從無數下却釋前第三段中增數之相然一一諸言下揀定言定通香等者香等十事爲能成體故得定通不全通於蓋等者蓋是所成所成有二十事如以香爲宮殿則有楯等香爲光明何有楯等況燈光明爲能成類前亦成蓋等以燈光明成燈光明此之光上難具楯等故云不全通於蓋等以能成中有燈光明所成之中復有燈光明故畧舉燈光以示無楯等例且如香河河裏如疏三結成供行可知。

願令一切世間皆得清淨一切衆生成得出離住十力地於一切法中得無礙法明。

疏第二以供佛善根廻向衆生者正顯廻向之願然前段供後有不亂等心今此供後明清淨等願者文有影響義實相通文分爲二初總顯所爲謂令得果惑淨智明。

令一切衆生具足善根悉得調伏其心無量等虛空

界。往一切刹而無所至入。一切土施諸善法常得見佛植諸善根。成就大乘。不著諸法。具足衆善。立無量行。普入無邊一切法界。成就諸佛神通之力。得於如來一切智智。

疏後令一切下別顯願得因圓果滿。初明二利。因圓成就已下。智用果滿。

譬如無我普攝諸法。

疏第三總願善根普攝迴向者。以上來三段別明善根。但說成供供佛。今欲顯此善根無所不成。故復明此於中。一初喻謂二無我理。普攝理事無不

周故。

我諸善根亦復如是。普攝一切諸佛如來。咸悉供養。無有餘故。普攝一切無量諸法。悉能悟入無障礙。故普攝一切諸菩薩衆。究竟皆與同善根。故普攝一切諸菩薩行。以本願力皆圓滿。故普攝一切菩薩法明了。達諸法皆無礙。故普攝諸佛大神通力。成就無量諸善根。故普攝諸佛力無所畏。發無量心滿一切故。普攝菩薩三昧。辨才陀羅尼門。善能照了無二法故。普攝諸佛善巧方便。不現如來大神力故。普攝三世一切諸佛降生成道轉正法輪。調伏衆生入般涅槃。

恭敬供養悉周備故。普攝十方一切世界。嚴淨佛刹
咸究竟故。普攝一切諸廣大劫於中出現。修菩薩行
無斷絕故。

疏二我諸下法合有二十句。前十二句攝成自利
德。

普攝一切所有趣生。悉於其中現受生故。普攝一切
諸衆生界。具足普賢菩薩行故。普攝一切諸惑習氣
悉以方便令清淨故。普攝一切衆生諸根。無量差別
咸了知故。普攝一切衆生解欲令離雜染得清淨故。
普攝一切化衆生行。隨其所應爲現身故。普攝一切

應衆生道。悉入一切衆生界故。普攝一切如來智性
護持一切諸佛教故。

疏後八成利他並顯可知。

佛子。菩薩摩訶薩以諸善根。如是迴向時。用無所得
而爲方便。

疏第二佛子至以諸善根下。實際迴向中二。初總
標。二不於下別顯。今初用無所得爲方便者。畧
有二義。一以無所得。導前隨相則涉有不迷於空
爲入有之方便。二假無得以入有。不存無得。卽此
無得亦是方便。此爲入空之方便也。今文正用前

意義兼於後。欲顯隨相離相。無前後故。然畧云。無得準大般若。亦以無生無滅無住等。皆爲涉有之方便也。鈔此爲入空之方便者。眞空非得而無不得。故欲顯隨相等者。釋上正用前意也。欲將離相無得。導前隨相之有。故言義兼於後者。前意是結前。此意是生後。亦不任於離相故。準大般下。例釋無得爲方便。如清淨歷一切法。則以清淨爲方便也。若云無生。卽云行般若波羅蜜時。知一切法無生。所謂色無生。受想行識無生。眼無生。耳鼻舌身意無生等。今此猶是畧舉。能入方便廣。更多。

故復有等言。等取無依。無作清淨。不增不減。不垢不淨。不可取。不可見。不可動。不可壞等。

不於業中分別報。不於報中分別業。

疏二別顯中三初正顯觀心。一菩薩如是了達下。明觀成之相。三菩薩如是觀。一切下明觀成益。初中十句義有四節。初一會事歸理。謂事法旣虛。相無不盡。理無不現。故業果皆空。業空故無體。可能招報。況謂因中而有果耶。報空故無體可以酬因。況謂果中而有因耶。若約觀心名會用歸寂。業空下別釋。此有一意。一正以緣生卽空。破權小。

60 1 2 3 4 5 6 7 8 9

10

80

1 2 3 4 5 6 7 8 9

見顯業不能爲因招果。果亦不能爲果酬因。二兼破外道因中有果等。彼計因中有果者。如乳是酪。因乳中有酪。成酪之後亦有於乳。故曰果中有因。若約觀心者。上約法理。通境及智。今約觀心。但一是非。卽名爲寂。亦無心於事理。方稱爲寂。不失於照。故名爲用。不取用相。卽用常寂。

雖無分別而普入法界。雖無所作而恒住善根。雖無所起而勤修勝法。不信諸法而能深入。不有於法而悉知見。

疏次五句明理不礙事。約心則寂不礙用。於中初

句理無能所分別。而不礙有能入之智。所入法界。次句無作而造作。次句無起而修起。次句無能所信而能卽事入玄。此與初句但事理之異。大般若云。若信一切法。則不信一切法。以不信一切法。名信一切法。此約不信是真。信今約不信不礙信。末句不有能所見而不礙能所見。鈔此與初句者。初句約理無入而入。今約事上無能入。以諸法卽事而能深入。故云卽事入玄。大般若下引此文者。據義不同。謂般若意却是卽用而寂。同上須彌山頂偈云。無見卽是見。能見一切法。於法若有見。是

則無所見。此偈則先正後反。大般若則先反後正。今此中意明理不礙事。故意別也。末句不能所見者。以文言不有於法。法通能所見也。何以得知法是能所見。以下句云悉知見故卽同金剛如來悉知悉見。

若作不作皆不可得知諸法性恒不自在。

疏三有二句。事理雙絕。約心則止觀兩亡。初句正釋作事也。不作理也。待對假言。故皆不可得。下句釋成法。從緣起不能不生諸緣離散不能不滅。從緣生滅不能不有緣生無性不能不空。故諸法性成。下句經自釋成。

雖悉見諸法而無所見。普知一切而無所知。

疏四有一句。明事理無礙。約心則寂照雙流。良以事虛攬理無不理之事。理實應緣無不事之理。所以寂而常照。照而常寂。故終日知見而無知見也。鈔良以事虛下出事理無礙之相。是總意亦十

撰述

華嚴疏錄卷二十一

五

歸

門中相卽門是三義中無礙義也廣如上說。

疏上四句初則會有歸空。有未曾損次依空立。有未始存次空有兩亡。無隱無顯後空有無礙存沒同時。四句鎔融方名離相實際觀也。鈔上四句下總融前四言有未曾損者法卽是空非法滅空。有未始存者卽空之有有相虛故無隱無顯者有存則空隱空存則有隱今由兩亡故非隱顯存沒同時者空不礙有故存有不礙空故沒然隱顯皆就理明存沒並約事說亦影畧耳四句鎔融下總結此則非唯離於隨相亦離離相眞無礙也眞

實際也。

菩薩如是了達境界知一切法因緣爲本見於一切諸佛法身至一切法離染實際解了世間皆如變化明達衆生唯是一法無有二性不捨業境善巧方便於有爲界不無爲法而不滅壞有爲之相於無爲界示有爲法而不分別無爲之相。

疏一觀成之相然此段文更有二意一前是卽觀之止後明卽止之觀前雖云知意明無知二以後段釋成前文由知因緣等故不於業中分別報等雖有此一觀成相顯於中分二初句結前生後由

撰述

華嚴疏錄卷二十一

三

依如前了達心境。故能成下如是知見。後知一切
 下正顯其相。文有八句。初總餘別。總中由上觀故。
 能知因緣何等。因緣謂一切法。若漏無漏爲無爲。
 等皆以因緣而爲其本。云何謂本。謂因緣故有。因
 緣故空。因緣故不有。因緣故不空。因緣故流轉。因
 緣故還滅。乃至一切皆由因緣故中論云。未曾有一
 法不從因緣生。有爲緣生。無爲緣顯。因有有爲。
 則有無爲。又形奪相盡。是真無爲。鈔因緣故有
 者。然通相說。總有四義。一緣生故有。二無性故空。
 三緣生故空。四無性故有。今但取因緣一句。謂法

從緣生。安得言無。一從緣無性。故名爲空。上二卽
 空有二門。從因緣故不有者。卽名中道。亦從因緣
 謂旣從緣有。有卽不有。旣從緣空。空卽不空。合前
 二句。卽亦空亦有。四門之理。皆從因緣。因緣故流
 轉下。辨生死涅槃亦皆因緣。乃至一切下。結例上
 所明義。畧舉綱要耳。故中論云下。引證皆從因緣
 然此偈前有一偈云。因緣所生法。我說卽是空。亦
 爲是假名。亦是中道義。未曾有一法。不從因緣生。
 是故一切法無不是空者。前偈亦得證前四句。成
 三觀義。而後偈釋前偈。故但引之。而論畧結云。是

60 1 2 3 4 5 6 7 8 9

70

80

90

9

故一切法無不是空者。亦合云未曾有一法不從因緣生。是故一切法無不是假者。又是故一切法無不是中者。今此但取一切法從緣之義耳。有爲緣生下通妨。妨云涅槃云我觀諸行。悉皆無常。云何知耶。以因緣故。若一切法從緣生者。則知無常。是諸外道無有一法不從緣生。是故無常。虛空如來佛性。不從緣生。是故名常。則無爲非因緣。何言爲無爲法。皆從因緣。故今答云。從緣有一。從緣生有無常義。二。約緣顯。何得非緣。故說佛性了。因所了。豈非因緣。此是一義。因有有爲下。相待門釋。

待於有爲。卽從緣義。後云又形奪相盡者。要待形奪相盡。故真無爲亦是從緣。

疏下別有七句。釋成上義。由觀因緣得見佛等。是故因緣爲諸法本。一見法身。因緣無住。無住之本。卽是法身。經云佛以法爲身。故中論云。若見因緣法。則爲能見佛。二見法實際。因緣性離。爲法實。故三無性緣生。故如化似有。四理外無事。故唯一法。皆如來藏。事事皆虛。故無二性。尚無有一。何況有五。五緣性無礙。故於業境。皆得善巧。以業攝報。境必對心。則內外因果。皆善巧也。六卽事顯理。而不

壞事故云於有爲等。七卽理成事而不隱理故云於無爲等。若減壞有爲則失有爲本空。若分別無爲卽壞無爲之性是以若約相卽爲卽無爲無可減壞無爲卽爲亦無可分別若約無礙則事能顯理而非理理能成事而非事事理相卽性相歷然故爲無爲體非一異示謂顯示有爲界分無爲界性。鈔故中論云者上偈及此皆四諦品下句云見苦集滅道亦可證第二句尚無有一等者結彈五性以業攝報等者以經但云業境今業攝報故有因果境必對心故有內外六卽事等者有爲事也無爲理也事能顯理故云於有爲界不無爲法事卽是理故不壞事若壞於事成斷滅故下句反此可知若減壞下反成上二是以若約相卽下結成正義於中畧有數門一相卽門二若約無礙下卽相成門又云而非理而非事卽不相是門卽是事理無礙十門中六門一眞理卽事門一事法卽理門三依理成事門四事能顯理門五眞理非事門六事法非理門七又前有形奪相盡卽眞理奪事門八事能隱理門通辨無礙卽事徧於理理徧於事八門非異不相是二門非一故疏結云爲與

無爲體非一異。不謂顯示下隨難別釋。
菩薩如是觀一切法畢竟寂滅。成就一切清淨善根
而起救護衆生之心。智慧明達。一切法海常樂修行
離愚癡法已具成就是出世功德。不更修學世間之法
得淨智眼離諸癡翳。以善方便修廻向道。

疏三觀成之益文顯可知。

佛子。菩薩摩訶薩以諸善根如是廻向稱可。一切諸
佛之心嚴淨。一切諸佛國土教化成就。一切衆生其
足受持一切佛法作一切衆生最上福田爲一切商
人智慧導師作一切世間清淨日輪。一一善根充滿
法界悉能救護一切衆生皆令清淨具足功德佛子。
菩薩摩訶薩如是廻向時能護持一切佛種能成熟
一切衆生能嚴淨一切國土能不壞一切諸業能了
知一切諸法能等觀諸法無二能偏往十方世界能
了達離欲實際能成就清淨信解能具足明利諸根
疏第三佛子至稱可下結歎成益上來近明離相
之益今則通辨一廻向益文中二先明自分二利益
益初句上稱佛心餘句自成二利二佛子下勝進
二利益文兼體用並顯可知。

佛子是爲菩薩摩訶薩第四至一切處廻向。

撰述

華嚴經卷二十一

普

菩薩摩訶薩住此廻向時。得至一切處身業。普能應現一切世界故。得至一切處語業。於一切世界中演說法故。得至一切處意業。受持一切佛所說法故。得至一切處神足通。隨衆生心悉往應故。得至一切處隨證智。普能了達一切法故。得至一切處總持辨才。隨衆生心令歡喜故。得至一切處入法界。於一毛孔中。普入一切世界故。得至一切處徧入身於一衆生身。普入一切衆生身故。得至一切處普見劫。一一劫中。常見一切諸如來故。得至一切處普見念。一一念中。一切諸佛悉現前故。佛子。菩薩摩訶薩。得至一切

處廻向。能以善根如是廻向。

疏第二 天段菩薩下位果中三初牒得時二得至
下正顯所得文有十句初三業體徧次三三業
用徧後四顯用自在三佛子下總結

爾時金剛幢菩薩承佛威力。普觀十方而說頌言。
內外一切諸世間。菩薩悉皆無所著。不捨餽益衆生
業。大士修行如是智。

疏第一重頌有十一偈分三初七頌廻向衆生及
菩提次三偈半頌廻向實際後半頌成益前中二
初一偈頌前畧明至一切處但頌法說所修善根

十方所有諸國土。一切無依無所住。

疏後六頌前廣明於中初半偈通頌前所至處。不取活命等衆法亦不妄起諸分別。普攝十方世界中。一切衆生無有餘觀其體性無所有。至一切處善迴向。

疏次一偈半頌前迴向衆生。

普攝有爲無爲法。不於其中起妄念。如於世間法亦然。照世燈明如是覺。

菩薩所修諸業行。上中下品各差別。悉以善根迴向彼。十方一切諸如來。

菩薩迴向到彼岸。隨如來學悉成就。恒以妙智善思惟。具足人中最勝法。

清淨善根普迴向。利益羣迷恒不捨。悉令一切諸衆生得成無上照世燈。

疏後四頌前普攝迴向餘可知。

未曾分別取衆生。亦不妄想念諸法。雖於世間無染著。亦復不捨諸含識。

菩薩常樂寂滅法。隨順得至涅槃境。亦不捨離衆生道。獲如是等微妙智。

菩薩未曾分別業。亦不取著諸果報。一切世間從緣

生不離因緣見諸法深入如是諸境界不於其中起
分別。

菩薩衆生調御師於此明了善廻向。

書信士屠維德領助銀八兩九錢六分三厘刻此

一卷

顏俊傑一兩

屠豫禎五錢

卜兼三五錢

吳德延一錢

朱以涵二兩

祈保男士奇聰慧

長生

屠維德二兩

妻張氏二兩七錢六分三釐

日光復明身躬康吉更祈

次室畢生後嗣永保

世裔

大方廣佛華嚴經疏鈔卷三十四

終



60

1

2

3

4

5

6

7

8

9

10

1

2

3

4

5

6

7

8

9

80

1

2

3

4

5

6

7

8

9

卷之二十一

通鑑

卷之二十一

五

